



地

倭漢三才圖會

七 十 六

伊 相 武  
豆 模 藏



和漢三才圖會卷第六十七

攝陽 城鑿法橋寺 鳥良安尚順編

地部

武藏國

神社佛閣名所撮  
有小傳者出目錄

氷川大明神

山王權現

根津權現

神田大明神

平將門

大田道灌

湯島天神

林道春

聖堂下

慈眼大師

東巖山

淺草寺

増上寺

芝

傳通院

小石川

靈巖寺

深川

幡隨院

下谷

浄國寺

岩倉

靈山寺

本庄

天徳寺


西久保

大善寺

瀧山

西應寺

金杉



哲言願寺

淺草

行安寺

淺草

蓮馨寺

川越

本誓寺

深川

津戸三郎

駒込

無縁寺

本庄

吉祥寺

駒込

廣徳寺

駒込

東海寺

品川

天澤寺

湯島

金池院

西久保

宗泉寺

淺草

東禪寺

芝

泉岳寺

芝

大石内藏助

淺草

青松寺

愛宕下

瑞聖寺

白銀原

濟松寺

牛込

正覺院

二本榎

元祿寺

神田

弥勒寺

本庄

真福寺

愛宕下

文殊院

淺草

靈雲寺

湯島

東本願寺

淺草

西本願寺

築地

法恩寺

淺草

善福寺

淺生

稱念寺

淺草

本門寺

池上

法華寺

碑文谷

感應寺

谷中

幸龍寺

淺草

淨心寺

深川

法明寺

曹司谷

鬼子母神

淺草

目黒不動

目黒

聖徳太子

庚申堂

熊谷寺

熊谷

渡邊綱

箕田

堀兼井

浅草

畠山重忠

二俣川

角田川

角田

武藏土産

浅草

相模國

寒川大明神

寒川

鶴岡八幡

谷中

御靈社

權五郎景政

瀬戸大明神

瀬戸

江島社

辨才天

源義經

白旗明神

足柄明神

足柄

建長寺

隆蘭溪

圓覺寺

佛光禪師

壽福寺

榮西

淨智寺

佛源禪師

淨妙寺

退耕和尚

理智光寺 鎌倉

瑞泉寺 同上

光觸寺 同上

長壽寺 古先和尚

禪興寺

明月院

玄惠法印 最勝園寺

東慶寺

木曾義高 常樂寺

淨光明寺 四宗兼學

啼藥師 海藏寺

光則寺 極樂寺

鎌倉大佛 淨泉寺

長谷寺

忍性上人

萬福寺

五代國師

北條泰時 高時

時頼入道 最明寺

日親上人 行池

本覺寺 法華

妙本寺 法華

龍口寺 同

妙頂寺 星降梅

上総五郎兵衛

蒲冠者範頼

北條早雲 同氏康

尊雲寺 洞家

雲江寺 濟家

三浦荒二郎

岩殿寺 札所

稱名寺 金澤文庫

大山不動 本願寺

龍華寺 真言

光明寺 淨土

西方寺 本願寺

善福寺 同上

永勝寺 同上

真樂寺 同上

一遍上人 藤澤

小栗 同 郎等

鎌倉名里

足柄山

源頼朝 佐奈田與一

相模土産 朝比奈三郎 泉小次郎親衛

青砥左衛門

曾我兄弟 大儀虎女

相模土産

伊豆國

三島大明神

箱根權現

伊豆權現

鎮西八島為朝

坂田公時

妙法華寺

弥平兵衛 伊藤祐清

八丈島

伊豆土産

口集三才圖會

武州

卷六十七


目録

武藏相模  
伊豆之圖





關東

武藏 相模 安房 上野 下總 常陸 上野 下野 謂關八州又曰坂東  
相列箱根之關以東也  
古者江列逢坂之關以東揔曰關東坂東



# 江戸大標之圖



至京師 百二十里余木曾路二里遠  
 至大坂 百三十二里余右同  
 至長崎 海陸三百二十五里余  
 至對馬 海陸三百七十二里余  
 至松前 海陸二百三十三里余

當城長祿二年大田道灌始築之而後家康公改築累代之居城也士臣之大廈圍繞以護衛之工商之肆壘重疊以互市焉

# 武藏

宮水川上明神  
二十一郡

高八十四万石余

東海道

久良	都筑	多麻	橘樹	荏原	横見	豐島
足立	新座	入間	高麗	比企	兒玉	埼玉
大里	男衾	幡羅	榛澤	那珂	賀美	秩父

當國秩父嵩之形勢如勇者怒立日本武尊見之以美稱以東征兵具納埋于岩藏故名武藏見大和本紀

川越 北至鴻巣七十里 岩築 南至忍十八里

## 當國 神社佛閣名所

### 山王權現 魏永田山

社領六百石

祭神 同于近江日吉社

神主日吉大膳社家七人 別當勸理院社僧十人

叡山第二世慈覺大師到當國川越初開星野山弘圓頓教法時為東國佛法守護勸請山王權現但主中下

凡二十一社內取用各一社

太田道灌築江府城文明年中移當社於星野山城內

承應三年回祿後迄于今所在

御旅所 在茅場町

### 東照大權現 在千葉

社領五百石

別當真言 喜多院

### 根津權現 在谷中近處

社領二百石

祭神未詳

初小祠寶永年中 文昭院殿家宣公再興始附社領

賜權現勅號

### 神田大明神 在神田

社領三十石

祭神 平將門之靈

神主 柴崎宮內

將門桓武帝四代孫高望之孫也朱雀帝時奉江執柄家望為檢非違使也海不許將門懷憤下關東有叛逆志行

政毅伯父國香ヲ威於東國焉然居總州相馬郡營者  
自稱平親主而奪官鑰任國司行除自大臣以下文武  
百官其所闕者曆博士耳此事天慶二年披露二月八  
日修理大夫藤原忠文為大將軍刑部大輔藤原仲舒  
右京亮平清基六孫主源經基等為副將軍先是常陸  
椽平貞盛下野押領使藤原秀卿藤太與將門相戰三  
四月將門中貞盛之矢落於馬秀卿至其處遂斬將門  
之首貞盛者國香之子與一說云將門常變身於八人  
皆相似而難辨頗如離魂病焉秀卿謀降于將門通志  
於其妾遂問實妾曰飲食時蟀谷微動者實也後與貞  
盛戮力討之取首上干洛到武州神田時將門之身體  
逐來其首未變色時人作謠曰

首聞此歌笑忽色變云云  
お門をこめりみりそわろくはるるはるる

湯島天神 在湯島

別當喜見院

後土御門院文明十年太田道灌造營  
麴町天神 在麴町

別當龍眼院

○太田入道道灌姓源氏字持資源三位賴政裔也屬上  
杉定故父曰道真共有武勇之名時人呼稱之真灌矣  
道灌性剛毅常好田獵未知倭歌文章或日放鷹于野  
暴雨無簑笠至遇一小家請雨具其家唯有一婦抗康  
棠花進灌之前灌不悟其意往其隣借雨具還而謂人  
問所以婦之呈花何平其人曰無笠簑之訣也乃以古  
歌解其意灌歎息悔為卑婦被耻自是停遊獵偏學詩  
歌遂其有家集名慕京集又精築城之巧故東州城多  
道灌之圖所築也創武州江戶城別營一軒於城內名  
靜勝西曰含雪東曰泊船藏書數千卷於軒中其醫方  
兵書史傳小說及倭歌撰集等雜舉計因建菅祠於城



北而信敬之湯島天神宮是也此時有兩上杉而管領  
關東顯定稱山内兩家爭權而數相拒顯定以為東土  
多屬定正者以有道灌也因潛以間者使定正疑灌於  
是定正遣人刺殺灌於浴室天明十年冬焉時歲四十二臨  
死曰定正亡家之兆也果灌沒後定正威衰不再振

牛天神社 在忍岡

北条氏康建立中興堯惠法師修造為上野鎮守

金杉天神 在小石川

右大將賴朝勸請之

飯倉神明 在芝

社領十五石

一条院寬弘年中因詔宣祭于此

神主齊藤刑部  
別當金剛院

神明宮

在本庄村西葛西

壽永年中祭之

神明宮

在深川

慶長年中秀須法師造營

穴八幡宮 在高田

寬永十三年草創元禄年中桂昌院殿再興

別當放生寺

八幡宮

在深川永代島

神主式部  
別當金剛院

神躰管相丞作太田道灌守本尊云

云寬永年中有靈

瑞長減法印開基左右在伊勢春日社

八幡宮

在芝

神躰渡邊綱守本尊云正保年中勸請

八幡宮

在品川鈴森

天正年中因詔宣勸請之

若宮八幡宮

在牛込若宮小路

文治五年秋源賴朝為伐奥州泰衡進發時到于此下

馬以宿願退治後建立別當普門寺

若一王子

在豐島郡王子村

社領二百石

元龜元年以熊野權現勸請

別當金輪寺

寬永十一年將軍家光公再興

氷川大明神 在足立郡大宮 社領五百石

祭神一座 素盞烏尊

當國一宮也日本武尊東夷征伐之時勸請之

神階 貞觀十一年十一月十九日正四位下

當國中稱氷川大明神社共有八箇所皆有十余石社

領一一不錄之

第六天神 在茂草

祭神 面足尊 惶根尊

聖天宮 在金龍山 齋藤別當實盛守本尊云地景佳

牛頭天王 在神田四谷品川牛島丸四所皆祇園勸請

聖天宮 在目沼 社領五十石

同 在入間郡上村 社領十石

天王宮 在葛西郡野村 社領十四石

山王宮 在川崎村 社領十石

八幡宮 在市谷

八幡宮 在右尾田 社領五十石

同 在大宮中村 社領三十石

同 在六卿 社領十八石

同 在常木村 社領二十八石

同 在須掛村 社領十九石

同 在鎌田 社領二十石

同 在美女木村 社領十六石

同 在芝村鶴丸 社領十五石

同 在荏原 社領十一石

同 在慈眼寺村毛呂村杉原村松尾村凡四處各有社

領十石 春日大明神 不在芝三田町

富士權現 在駒込深井 別當真光寺

當山形畧似駿河富士每六月群集

淺草稻荷 在淺州寺境内

俗稱安龙衛門稻荷靈驗最也人賽禮則立華表因

所立鳥居不知其數

稻荷大明神 在豐島王子村 社領十石

同 鳥森稻荷社 在日比谷二丁目

依藤太秀卿東夷征伐時到奥州相馬病願建立

忍岡稻荷社 在上野 大田道灌建之

妻戀稻荷社 在湯島

清水稻荷社 在高田 元祿四月十五有夢想以來自榎木穴出泉以洗眼有效

足柄明神 在芝魚町

新田明神 在矢口村

祭神 新田義興之靈 在原郡

昔島山道誓以謀計於矢口川渡沈義興之船殺後人

祭其靈 傳見于上野 新田社之下

七面明神 在谷中 深川亦有同社

諏訪明神 在淺草諏訪町

六所明神 在府中 社領五百石 神主 猿渡豊前

住吉大明神 在八日市場村 社領十石

白山權現 在下長房村 社領十二石

同社 在白山町

元和年中越之白山妙理權現勸請之 社領十石

龍守官明神 在別當所 社領五百石

祭神 未詳

大宮 在秩父 社領十石

鹿島大明神 在久保村 社領十石

香取大明神 在同處 社領十二石

熊野白山兩權現 在同處 社領二十石

松尾明神 在松尾村 社領十石

權現 在檜原 社領十五石

羽揃村明神 在羽揃村 社領十五石

愛宕山大權現 在愛宕 社領百石

祭神同于山城愛宕其年記未詳 坊舎有五箇寺 石段八十三段

同社 在柏木村 社領二十石

同社 在藤橋村 社領十石

阿曾明神 在葉村 社領二十四石

明神 祭神 在草花村 社領二十石

明神 未詳 在於吾瀬 社領二十五石

又杉原村宮寺村大谷村亦有唯稱明神之社各社領 十石 社領十五石

一宮明神 在一宮村 社領十五石

二宮 在二宮村 社領十五石

祭神 日光權現 社領十五石

同西二宮 在同處 社領三十石

久伊豆明神 在久伊豆 社領三十石

御嶽山權現 在大谷村近處 社領三十石

三島大明神 在大豆戸村 社領十二石

鷲宮大明神 在大田庄 社領五百石

祭神 未考建久四年當社寶前血流下筮云是兵革 之表也源賴朝令榛谷四郎重朝社檀莊嚴 社領五十石

大宮宮本女体 社領百石

三輪明神 在今須村 社領百石

同社 在久伊豆 社領三十石

長官村市場村三室村亦有同社各社領十石

十二天 在本坂 社領十石

瀨戸明神 在今村 社領百石

社領百石 神主 葉式部

和漢三才圖會 卷之六十七 武州 卷之六十七

諸神堂

在日野村

社領十五石

不動明王

在於吾瀨

社領十石

大同二年建立全阿海再興

高岡不動

在高岡

社領三十石

牛御前

在本庄

社領

高尾山神社

在駒木村

社領二百石

別當眞言藥王院

聖堂

在神田

林大學頭

支配

孔子

號大成至聖文宣王

宋真宗太平祥符元年謚玄聖文宣王同五年改封至聖文宣王元武宗大德十一年又上加大成二字

唐高祖武德七年二月丁巳始釋奠行孔子傳註于中華山東本朝文武天皇大寶元年二月丁巳始釋奠行孔子廟中古斷絕而尾張亞相寬永十年建于江戸上野常憲院慶元祿年中改營于神田

○林道春

姓藤原名菊松

九信時之子也為伯父

理齋吉

勝之養子孩提岐嶷

八歲讀書側有人讀太平記者聞之能請人感其記憶不凡

十三歲改名又三即信勝入建仁寺大統庵就古間長老讀群書

行鈔解僉言神童也因勸出家然掉頭歸家遍讀四庫書二獻所歷覽書凡四百四十餘部從見多請論謁惺

窩而偶床上有論語大全開之乃問數條惺窩辨折之

且曰所問我亦十餘年前嘗有此疑以喜其志焉或曰

道春讀春秋傳惺窩寄書曰古人讀春秋於羅浮羅浮

者是不在羅浮而在足下明窓淨几之上羅浮中素讀

浮山中爾後呼道春稱羅浮山人二歲拜謁東照神

君于二條城老儒清原及相國寺元吉長老官儒老禪等侍坐

神君問光武於高祖之世系對曰九世孫也又問曰漢

武返魂香出何晝乎對曰漢史不記之白氏文集新樂

府及東坡詩註有之又問曰蘭多種五柳屈原所愛為

和漢三才圖會

何對曰據朱文公註則澤蘭也應對如流因賜采邑為儒臣至嚴有院殿歷在于四主皆得恩遇法印位賜上野中別莊尾陽義直卿建聖堂卿自書先聖殿三大字以為額此聖堂建燒以後明曆三年正月二十三日卒年七十五私謚文敏先生所著書凡百四十餘部又詩文六十卷號羅山文集其子春齋其子春常相續為幕府儒臣之長而元祿年中有一公命以僧官不應其職春常任從五位國主祭酒大學頭中與儒門之規模也

### 東叡山寬永寺

在上野

天台

寺領一乃石

號圓頓院

台德院屢建立開山慈眼大師

東照大權現

元和二年 丙四月十七日薨

大猷院殿

慶安四年 癸四月二十日薨

嚴有院殿

延寶八年 庚五月八日薨

寶樹院殿

高嚴院殿

常憲院殿

寶永六年 丑正月十日薨

梵閣

元三大師堂

法華堂

常行堂

一切經堂

清水寺

本尊千手觀音 惠心僧都作

坊官

大西宮内法印

法親王大准后御門跡

坊官

吉川大藏卿

北叡山日光山兼帶

坊舍三十一箇寺

○慈眼大師 諱天海 號南光房法印 姓三浦氏 奧列高田

鄉人 父母無嗣 禱月天子而母夢吞奇苞而娠 方九月

生自幼不茹葷或強嘔之則吐其音聲嘹亮如扣鐘磬

十一歲投本邑辯譽師祝髮學顯密二教 越三年至宇

都宮謁皇舜僧正舜感奇品 年杖從實全學天台教 又

學俱舍法相於園城寺尊實後列

善昌寺聽楞嚴

和漢三才圖會

卷之

卷之

卷之

甲斐信玄延台家諸師論議天海為構玉眾皆感歎之  
 自是名揚朝野後歸鄉參大寧禪師發明別傳之旨正  
 年未招於常列河內住不動院二年夏大旱雲諸法彌  
 月無應於是屈天海祭之祭音詠禳時有神女授以五  
 鈷杵天海臨淵作法忽一白蛇浮水面黑雲起雷電大  
 注膏雨慶長四年住仙波喜多院遷宗光寺講法華東照君  
 命住持天台南光坊嘗招至駿府說天台宗要旨慶長天  
 子詔問法要教感不淺乃擢為僧正住山科毘沙門堂  
 又入駿府東照君再命住喜多院賜糧五百石又兼命  
 居日光山元和上皇受其付囑賜御衣燕尾等家康公  
 寢疾遺命營葬於久能山至三載可遷日光山而後遂  
 秀忠公與天海及群臣迎靈骨入日光山大啓法會祭  
 尊靈勅號東照大權現三千五百眾僧共轉法華忽聞  
 靈禽鳴於會所其音如呼佛法僧空鳥天海曰傳教  
 大師初上天台嘗聞此鳥其道大弘今復鳴必有徵矣

又於紅葉山建權現靈廟天海說法于此八月上皇崩  
 天海預佛事延眾僧於大內修法華懺法同九年皇太后  
 請受戒法寬秀忠公關東獻山以天海為開山同年  
 家光公染疾諸醫皆拱手天海救護之遂愈十六建長  
 樂寺又改日光山木塔為石其頂石在赤耶岐山石大  
 難移天海禱之石即能動家光公未有嗣子為禱之忽  
 生嗣君七月天海示微疾肯大將軍及紀列亞相賴宣  
 卿屈駕問疾天海自知不起遂書遺語五則大將軍命  
 畫工探幽繪其頂相一日閱唯識論盪漱誦經忽見文  
 殊來現輒知時節已至端坐合掌而逝寬永二十年十  
 月二日也留四日容貌紅潤如生其壽未詳有肯  
 有紫雲天苞之瑞葬於大連山大將軍命源正綱監護  
 賜牙賻賻音附以貨喪事也為建影堂於日光東叡天台三處

金龍山淺草寺 在豐島郡淺草 寺領五百石

推古天皇朝移于此中興朱雀院朝天慶五年女房國

司平公雅為武藏國守建伽藍而以來歷代將軍家修造也本尊正觀音每月十八日貴賤群集

坊舍四十一箇寺

神明社 五重塔 三社權現

江北山清水寺 在淺草

淳和天皇天長年中慈覺大師草創也中興慶圓法印

本尊觀音慈覺大師作 一名寶聚院

藥王醫王寺 在淺草

一名東光寺慈覺大師草創本尊藥師如來春日末寺 有百八箇寺

直指院 在白銀原

寬文年中場譽直指木食僧建之

新護國寺 在小月向

本尊瑪瑙珠之觀音 大猷院殿守本尊云云

歸命山如來寺 在芝牛町

寬永十二年木食但唱草創號大日院本尊五智如來大佛則但唱作之

安養院 在目黑

本尊入滅釋迦像俗云涅槃釋迦涅槃之畧言非寢臥之義

木母寺 在角田川邊

吉田何某梅若丸塚 三月十五日忌日念佛

三緣山増上寺 在芝 淨土 寺領五千石

本尊如來雲慶作 有涅槃石菩薩曼陀羅石後藤氏彫畫像

酉譽上人開基 關東十八箇寺談林中

靈廟

東照大權現 元和二年四月十七日薨祭日光山

台德院殿 寬永九年正月二十四日薨

崇源院殿台德院殿夫人淺井長政之女 青陽院殿文昭院殿之實父君

文昭院殿 正德二年十月十四日薨

有章院殿 正德六年四月九日薨



○酉譽名聖聰姓千波比州歲離摩刀學密教遇常  
寺聖岡傳通也學淨土宗為採薪汲水之勞嘗至江戶  
創增正寺盛宏其教應永二十四年七月十八日寂壽  
未詳著彌陀經註記曼陀羅抄等傳于世  
東照神君既領關八州後始入江戶龍口存應和尚之  
室以為當宗規模慶長十五年七月十九日勅賜存應  
國師號自今以後京知恩院及增正寺被定親王寺

無量山壽經寺

在小石川淨土寺領六百石

號傳通院了譽上人開基關東十八箇寺談林內  
東照神君母公菩提所水野右衛門大夫忠政之女慶長七年八月廿九日逝去  
坊舍三箇寺所化寮百軒末寺十箇寺  
了譽名聖岡姓源氏常列人義滿子也生聰明越倫面  
有光彩五歲父卒于戰場母懷之入山八歲依竹山常  
福寺了實出家凡耳目所觸記憶不忘未幾涉獵內外

典籍嘗謁蓮勝師學淨土教且就處處名師究天台真  
言法相俱舍禪要等終住持常福寺而避亂隱彌陀山  
有高弟聖聰者住增上寺請了譽供養應永二年造一寺  
號傳通院住六年應永二十七年九月二十七日書辭  
世偈寂壽八十歲

神田山新知息寺

在下谷寺領五十石

號幡隨院慶長年中智譽白道幡隨意上人開基禪  
年七月十五日逝談林坊舍七箇寺所化寮四十八軒

道本山靈嚴寺

在深川淨土寺領五十石

雄譽松風靈嚴上人開基  
有勢幸堂地藏堂念佛堂

常在山靈山寺

在本庄同寺領五十石

號二尊教院大潮和尚開基  
坊舍四箇寺所化寮

佛眼山淨國寺

在岩井

寺領百石

坊舍

所化寮二十四軒

雲興院

在馬喰町

寺領五十石

光明山天德寺

在西久保

寺領五十石

號和光院後奈良院朝稱念上人開基傳見京東山心院之

坊舍十六箇寺

赤寺四箇寺

雲光院

在深川

寺領五十石

尼寺也東照宮侍女後號阿茶尼慶長年中建立

田中山西應寺

在金杉村

寺領十五石

朝應和元年明賢上人開基本尊如來惠心

寺內有三院

淨林院

正定院

善受院

未寺有七箇寺

西谷山大養寺

在西久保

寺領五十石

慶長年中西譽上人開基本尊如來雲慶

西福寺

在淺草

寺領三十石

負譽上人開基本尊如來安阿弥坊舍轉受院

田島山誓願寺

在淺草

號華樂院東譽上人開基本尊如來春日

寺中十箇寺

壽福山行安寺

在淺草

同

慶長年中深譽上人開基本尊如來雲慶寺中六箇寺

孤峯山蓮馨寺

在川越

同

寺領五十石

談林十八箇寺內

本誓寺

在深川

初在馬喰町

坊舍十八箇寺

天和二年秋朝鮮人來朝至江府時當寺為宿坊

平川山淨土寺

在赤坂一木村

淨土

號源照院教譽上人開基寺中有四箇寺

津戸三郎旧跡

○津戸三郎為字姓菅原津戸二郎為廣之三男菅神丸

治承四年博八歲石橋山合戰自武列馳屬賴朝幕下有

戰功建教東大寺供養供奉上洛博三偶至法然上人

菴聞法隨信伏歸本國益事專修念佛招勝安

唯願房修不斷念佛有誦之譜于鎌倉有密  
 輩於鎌倉尋問宗旨不可有仔細云云而後實朝薨去  
 二位禪尼以其遺骨令納于彼處先是為守雖欲出家  
 無鎌倉免許故以俗體乞戒名法衣於法然上人感其  
 志賜法名及袈裟號尊願實朝公忌中被免薙髮七拾  
 十一月修追悼二七日念佛結願夜自切腹出腸潛  
 捨之河壽八十歲翌日招躬民部大夫守朝令見形狀  
 家人大驚歎焉誦未死而自身入手於鳩尾中引切肝  
 膽而絕飲食數十日氣力如常且死徐治翌正月十三  
 日夜夢上人告曰來十五日午時當命終乃至其期端  
 座合掌高聲念佛入寂搔出腹臟絕食餌五十七日存  
 命古今希有事也當上人滅後  
 珠島山龍寶寺 在淺草 淨土  
 慶長年中是應上人開基本尊如來惠心  
 寺中有九箇寺

惠日山誓光寺 在淺草 淨土宗  
 信譽上人開基本尊如來聖德太子 寺中有五箇寺  
 聖德寺 在淺草 同 寺中有八箇寺  
 長壽山寶樹寺 在青山 同  
 號梅窓院長譽南龍上人開基本尊如來太子  
 常榮山眞福寺 在麴町 同  
 西光寺 在四谷 同  
 南命山善光寺 在谷中 同  
 尼寺開基  
 國豊山無緣寺 在本庄 同 本庄角田川東  
 後西院朝明曆三年正月十八日江府民屋武家寺社  
 燒亡人畜數万死骸溢江河有台命悉拾集埋于此  
 以築墓塚建寺號無緣寺廻向院  
 九品寺 在眞澤 同  
 可跡和尚開基

和漢三才圖會 卷六十七

熊谷寺 在熊谷

寺領三十

熊谷直實入道蓮生開基

遺敦盛首於經盛陣經盛自筆返書及直實所持白旗有源空上人自筆六字名號其外什物多

○熊谷二即直實姓平氏武列人也平治之亂屬源義平而守郁芳門十六騎之一負也後屬賴朝常列佐竹之役有高名攝列一谷之戰與平山季重以先登而軍功不少且斬獲敦盛而世人知武名後出家名蓮生入于京黑谷師事于源空或曰直實與武列久下權守直先媿夫也爭境目訴之直實所訴有不審賴朝譴問之直實殆失答詞而大言曰梶原景時以黨直光故豫如此下問縱明辨證遂不可開勝眉乃卷文書投入庭中起座拔脇刀切髮走賴朝使人逐之而不得遂遁世云性勇猛如有犯科人則桎梏緬縛誠之為僧信心堅固專修念佛不雜他事嘗建粟生野光明寺寓居後讓從

弟幸阿彌陀佛坊元敏下故鄉行住座臥不背西方自京下關東迎鞍向後乘馬行

嘗作死期美元二年九月四日卒于故鄉壽七十二法

二月源空上人流刑蓮生聞之甚悲歎矣

天德寺

在櫻田

同

寺領五十石

大善寺

在瀧山

同

寺領五十石

談林十八箇寺內

在鴻巢

同

寺領五十石

勝願寺

在忍

同

寺領三十石

正覺寺

在樋櫃村

同

寺領三十石

正德寺

在荏原郡尾野木

同

寺領三十石

光明寺

在荏原郡尾野木

同

寺領三十石

當寺古者為大伽藍依新田義興靈神祟雲落

在柏開村

同

寺領五十石

若宗寺

在柏開村

同

寺領五十石

忠見寺

在上保村 淨土

寺領三十石

大秀寺

在崎西 同

寺領三十石

蓮華香院

在峯山 同

寺領五十石

淨安寺

在岩付 同

寺領六十二石

淨土宗十八談林

第一 光明寺 相州鎌倉

三 增上寺 武州芝

五 靈巖寺 武州深川

七 常福寺 常列 瓜連

九 大巖寺 上總生實

十一 弘經寺 下總御城

十三 淨國寺 武州岩付

十五 大念寺 同江戶崎

十七 善道寺 上州齋木

二 壽經寺 武州小石川 傳通院

四 新知恩寺 武州下谷 幡隨院

六 勝願寺 武州鴻巣

八 弘經寺 下總飯沼

十 蓮磬寺 武州川越

十二 東漸寺 下總小貝

十四 大善寺 武州瀧山

十六 大光院 上州新田

十八 靈山寺 武州淺草

万年山青松寺

在愛宕下

禪宗

後柏原院永正年中太田道灌建立曹洞宗江戶三箇寺之內 坊舎五箇寺 末寺十箇寺

大雄山海禪寺 在淺草 同

平將門建立中興覺印和尚 寺中有二箇寺

紫雲山瑞聖寺 在白銀原 黃檗派

寬文年中木菴和尚開基本尊釋迦

永壽山海福寺 在深川 同 本尊釋迦 普賢

獨本師開基之弟子 雄峯山善勝寺 在四谷傳馬町 禪宗

青繁和尚開基 坊舎一箇 末寺二箇寺

臥雲山龍昌寺 在四谷 同

隨翁族鳥和尚開基 末寺五箇寺

靈雲山桃林寺 在淺草 同

慶長年中真平氏建立 同

諏訪山吉祥寺

在野込

禪宗

寺領五十石

太田道灌建立而後遠山丹波守再興青岩周陽和尚開基

廣德寺

在駒込

同

寺領五十俵

希叟宗芋禪師開基初在相州小田原天正十九年引移于當處

圓通寺

在足立郡芝

同

寺領二十石

國濟寺

在深谷

同

寺領三十石

万松山東海寺

在荏原郡品川

寺領五百石

寬永十一年澤菴和尚開基境內假山泉水美景

報恩山天澤寺

在湯島

同

寺領三百石

寬永二年稍葉氏春日局建立滑山劑和尚開基

龍穩寺

在越生

同

寺領百石

太田道灌開基曹洞宗關東僧錄

金池院

在西久保切通

同

寺領五百石

宗泉寺

在淺草末石濱村

禪宗

佐竹家菩提所學宗和尚開基曹洞宗江戶三箇寺內

東禪寺

在芝高輪

同

坊舍有四院

靈庵和尚開基妙心寺派江戶三箇寺內

泉岳寺

在右同處

同

坊舍有三院

門庵和尚開基曹洞宗江戶三箇寺內

淺野内匠頭長矩播州赤穂城主元祿墓

同家臣大石内藏助等四十六人之墓江州大石莊

大石内藏助姓藤原 諱良雄 父諱良昭 母池田氏 鎮守府將軍秀卿

之後也曾父良勝始播州赤穂城主仕于淺野家子孫續為長

臣祿至千五百石良雄性溫寬智勇勝於人大小無不

與聞娶石末氏生二男一女長子名主稅良金

元祿十四年三月勅使至武陽吉良上野介義大為接

伴淺野内匠頭長矩司響應然長矩憤義英之

刃傷英於殿中抱支之而不遂長矩以不憚世之賜死畢良雄在赤穗以為在君雖不可共戴天集三百余城士議枕城殉死衆僉諾之又曰非則似叛不如只速自殺也於是變約者若干更以血盟同志者五六十人又曰死未晚須需時也因茶迎公使致城各離散焉良雄遊京師家不飾弓矢身不帶刀劍携妓醉巷見者指之聞者笑之五年大石父子變姓名赴江戶於是神崎則休萊野常成伴為販夫時窺歸家形勢義英每坐臥不同處偶十二月十四日聞有茶會闌宴抵夜俄來集者都四十六人一様裝束袒姓名紙札梯屋破門數百蠟燭如白日高聲稱曰淺野家臣等今也報主君仇也乃殺數十人良雄製曰不可逐逃者不可害婦女遂搜所在取義英首以其衣裹之嚴戒火書旨趣及姓名留於廳前徐退于泉岳寺祭首於亡君墓遣吉田兼亮富森正因於仙石久尚許以告之待誅久尚號伯者

付也馳言上之即日分預四十六人於四處細川細利

毛利綱元各惠愛甚渥同十六年二月四日下令賜自

殺許葬長矩墓側吁此未曾有忠義舉世稱嘆四十七人中除寺坂吉右衛門信行為四十六人

附錄

○文治元年平家悉滅亡而八年後建敏平氏家臣上繼五郎兵衛忠光欲報亡君之仇潛入鎌倉狙賴朝時賴朝修造永福寺親出監臨之至是忠光以魚鱗覆左目為助者藏匕首於懷中為備者運土石欲窺間刺賴朝賴朝恠之使佐貫次郎問忠光以實對焉令景時誅之中華戰國時晉諸侯智伯為趙襄子等被亡而後家臣豫讓欲報亡主讎替容為圻者塗則壁窺開事發覺而被免又漆身為癩吞炭為啞變形於乞兒以狙之襄子雖捉之感忠義宥之及再三遂所害此等皆為無嗣者君報仇者也一人尚難焉大石之徒數十人實無比類

泉岳寺石牌之圖



元禄十四辛巳歲  
淨光院殿前少府朝散大夫少利大屋  
三月十四日

- 大石源左衛門信清 行年三十七
- 又寛徳劔信士 行年三十七
- 又法參劔信士 行年三十九
- 又察周劔信士 行年五十七
- 又廣忠劔信士 行年三十五
- 又胸空劔信士 行年三十一
- 又破了劔信士 行年三十一
- 又胸空劔信士 行年三十一

- 淺野内匠頭家來太藏助良雄 忠誠院 又空淨劔居士 元禄十六癸未年二月四日行年四十五
- 又仲老劔信士 吉田忠左衛門 兼亮 行年六十三
- 又峯毛劔信士 原宗右衛門 元辰 行年五十六

- 又神拂劔信士 行年三十八
- 又當樹劔信士 行年二十九
- 又性春劔信士 行年二十二
- 又煨煉劔信士 行年三十三
- 又摸雄劔信士 行年二十二

- 又屏間劔信士 行年三十一
- 又櫻劔信士 行年三十一
- 又清劔信士 行年三十一

- 又勘要劔信士 行年三十七
- 又譽道劔信士 行年六十三
- 又以申劔信士 行年六十一
- 又泉如劔信士 行年六十九
- 又周求劔信士 行年二十五
- 又毛知劔信士 行年七十七
- 又隨露劔信士 行年三十四
- 又勇相劔信士 行年三十三

- 又有梅劔信士 行年二十二
- 又可仁劔信士 行年二十四
- 又量震劔信士 行年三十一
- 又補天劔信士 行年二十五
- 又風瀧劔信士 行年三十八

- 又大劔信士 行年三十一
- 又常劔信士 行年三十一
- 又舞劔信士 行年三十一
- 又劔信士 行年三十一

- 又上樹劔信士 行年三十一
- 又雲樺劔信士 行年三十四
- 又露白劔信士 行年四十五
- 又水流劔信士 行年四十四
- 又觀祖劔信士 行年三十三
- 又道在劔信士 行年五十一
- 又通普劔信士 行年四十六
- 又回逸劔信士 行年二十四
- 又電石劔信士 行年五十四
- 又無一劔信士 行年二十四



靈風山種德寺 在赤坂馬場町 寺中三箇寺  
與善山勝光院 在世田谷 寺領三十石

開山天榮和尚  
光嚴寺 在品川

太田道灌建立有影像本尊藥師如來  
万年山祝言寺 在淺草

天文二十年太田道灌建立開基良山存久和尚  
西勝寺 在牛込榎木町 坊舎六箇寺

水南和尚開基妙心寺輪番持  
天堯院 在三田西久保

曹洞宗惣祿山田大中寺宿坊  
高林寺 在駒込 末寺三箇寺

濟松寺 在牛込 寺領三百四十五石  
大猷院殿有靈牌 開基祖心

豪德寺 在荏原郡世田谷

長榮寺 在毛呂口 寺領二十石  
松月庵 在赤坂 曹洞 寺領四十石

淨牧院 在前澤 同 寺領三十石  
雲祥寺 在三田 同 寺領三十石

清善寺 在忍 同 寺領三十石  
永原寺 在久米村 同 寺領三十石

永源院 在增戸 同 寺領三十石  
圓正寺 在赤沼村 同 寺領五石

淨光寺 在川角村 同 寺領五石五斗  
法光寺 在我野村 同 寺領十石余

大知寺 在石井村 同 寺領二十石余  
東光寺 在伏間村 同 寺領三十石

少村寺 在駒込 妙心寺輪番亦可勤  
平林寺 在岩付 同派 寺領五十石  
法林寺 在赤川村 同 寺領二十五石

長德寺 在芝 同建長寺派 寺領四十石

甘棠院 在久喜 同圓覺派 寺領百三十石

玉禪寺 在府中 同 寺領三十石

永林寺 在行村 同 寺領二十八石

正覺院 在二本榎 真言 寺領千石

高野山之内弘法大師四十二歲像 自作

無量院 法生院 地藏院 大樂院

常陸山元祿寺 在神田橋外 寺領

號知足院元祿二年將軍家建立寺 月輪院

彌勒寺 在本庄二目橋 寺領

開基 坊舍十余箇寺

眞福寺 在愛宕下 寺領

弘法大師草創本尊藥師如來 大師作

文殊院 在淺草 寺領

本尊不動明王 高野山行人方 寺領

海照山品川寺 寺領

號普門院應永元年羊權木僧都弘尊開基

報恩寺 在越生 寺領

聖傳院 在高麗

寶林山靈雲寺 在北岡 禪場 寺領百石

開基 覺彦和尚 真言律關八州惣録

○覺彦 諱淨巖自稱妙板河州錦部郡鬼住村人父上田氏母秦氏懷胎如食魚肉葷草則必嘔吐至出生亦有奇瑞二歲知文字行止不凡時人呼為今弘法焉九歲登高野山薙染其學業拔萃元祿四年大樹引見賜寺地創建精舍且賜齋田令為關東真言律本寺乃靈雲寺是也昔改故鄉慈父家為寺號延命寺又再興教興寺元祿十五年六月二十七日遷化時壽六十四

和漢三州圖經 卷之廿七 三十三

東本願寺堂 在淺草 坊舍二十六箇寺

西本願寺堂 在木挽町築地 坊舍 法恩寺 在淺草東派二十余輩之第一寺領三十石

開基性信房

號高龍山謝德院靈寶三十余品之中有教行信證六佛舍利親鸞聖人真像自作飯沼天神影性信房先世

骨性真傳詩十下 總兼恩寺之下

龜子山善福寺 在麻生西派關東七箇寺內

開基不海房

當寺初天台宗也親鸞來住說法焉住持亦皈依為弟子改法名號不海門前有銀杏大木乃祖師所植也有八字名號即祖師自筆也有不海自作木像每羊十一月三日入新水盤令浴湯而安本座寺僧讀弥陀經參詣人饗酒飯於庭令相撲

西光院 在二解半內木賣河戶 真言宗

境內有別堂親鸞木像每月二十八日開帳群集日祈

之諸病平愈也本在當國野田西念寺後藏于當寺

光澤山稱念寺 在淺草 高田修專寺下 寺中五箇寺

開基權僧都正傳 至心山唯念寺 在淺草 同

魏大信院開基權僧都淨因 寺中二坊

澄泉寺 在溜池上 同 寺中二坊

日輪寺 在淺草 寺中四坊

開基遊行上人本尊阿弥陀

長榮山本門寺 在荏原郡池上 法華宗 寺領百石

開基日輪上人 九老僧中 日蓮像日法上人在於日蓮側作之弘安五年九月十八日日蓮上人從甲州身

延山移下此講在國論同十月三日鑱倉妙本寺與着

寺附屬於日輪同 三日日蓮寂于此自筆曼陀羅有

之上及手自燒髮髮施彩色寶承三年十月十日顯堂  
悉災燒正德三年二十三世日潤上人再興

妙光山法華寺 在荏原郡碑文谷法華 坊舍三十六院 末寺二十箇寺

日源上人開基也釋迦堂飛驒木匠所作 坊舍十六院 末寺十二箇寺

長曜山感應寺 在谷中自作 寺領三十八石 寺院二十六坊

妙社山幸龍寺 在淺草 寺領五十石 寺院九坊

淨心寺 本國寺派開基正心院日幸上人 在深川 寺領百石 寺院五坊

報新山宗延寺 在深川 寺領百石 寺院五坊

瑞林寺 開基日精上人身延山末寺三箇寺內 在谷中 右同 有丈六釋迦像 寺領三十石

法恩寺 在本庄 法華 寺領五石

法妙寺 在曹司谷 同 開基日源上人 有鬼子母神社 有古松樹傳云楠正成關東下向時寓于此所植也

△按鬼子母神之傳顯正論鬼子母經 諸說有異同撮要 記之鬼子母一名訶利帝母 其父名歡喜夫名圓滿 足藥又姊名炙匿妹名摩尼鉢管 生一子子中愛奴特

愛惜焉常食人子佛為化彼將愛奴藏于琉璃鉢下母 普尋覓之不得而來佛處願回於是佛為授三歸依禁

殺生令僧施食乃還與愛奴招千子咸興善且發誓曰 我須護佛宇人無子者當與子令產婦無害也其畫像

金色身著天衣頭冠櫻絡坐寶臺上垂下兩足兩邊各 在一孩子傍其臺立又兩膝上各坐一孩子懷中抱一

孩子右手中持吉祥果不知其吉祥果 形如氣味如何

妙國寺 在品川 法華 寺領十石

善立寺

在下谷

法華

寺院九坊

本松山蓮華寺

在小石川

同

寺院六坊

日證寺

在足立郡

同

寺領二百石

妙見寺

在足立郡

同

寺領三十石

目黑不動

在目黑村

慈覺大師作號龍泉寺

有龍名俱梨迦羅龍

目白不動

在關口村

號新長谷寺開基秀山僧正

不動院

在幸手村

山伏

寺領百石

多寶院

在風渡

同

寺領二十三石

山本坊

在越生

同

寺領五十三石

辨寶院

在岩付

同

寺領二十石

大同院

在鎌形村

同

寺領二十石

太子堂

在高輪芝之内

明曆年中建立并有庚申堂

太子堂

在葛西郡牛島

慈覺大師建立

遍照寺

在芝

號琉璃山

弘法大師開基本尊藥師如來 弘法作

青龍山淨光寺

在葛西郡柳川村

慈覺大師開基本尊藥師如來 傳教作

醫王山榮興寺

在橘樹郡

聖武天皇建立行基菩薩開基本尊藥師如來

駒形堂

在淺草

安房守平公雅安置馬頭觀音

福昌寺

在伊佐柄子

本尊藥師如來 智證大師作

寶泉寺

在牛込

本尊毘沙門 慈覺之作 表藤太 秀胤所持佛也

觀音堂

在岩子山

寺領十二石

觀音院

在足立郡大宮

寺領百石

不動堂

在久村

寺領十二石

和模三才圖會

卷六十一

不動堂 在久村

寺領三十石

藥師堂 在持田村

寺領十石

養壽院 在安保

寺領三十石

金剛院 在土田

寺領三十石

弘光寺 在針谷

寺領三十石

新光寺 在岩付

寺領三十五石

西光寺 在土田

寺領五十石

國分寺 在府中

寺領三十石

吉祥院 在高憺

寺領三十石

金鉸寺 在兒玉

寺領三十石

真光寺 在谷古村

寺領三十石

慈光寺 在平村

寺領百石

安養寺 在府中

寺領五十石

深谷寺 在深谷

寺領五十石

喜多院 在

寺領五百五十石

時中院 在

寺領五百五十石

灌頂寺 在深谷

寺領五十石

寶持寺 在箕田

寺領五十石

渡邊綱箕田源次宛之子也綱十三歲時為伯母養子住攝州渡邊仍稱渡邊老後讓家督於長子久而退居于箕田改名曰綱閑其廟建寺名寶持寺

五藏院 在浦和

寺領二十五石

遍照院 在忍

寺領二十石

三覺院 在和良比

寺領百石

稱名寺 在金川

寺領三十石

永福寺 在市川

寺領三十石

一乘院 在成田

寺領三十石

能護寺 在間部田

寺領三十石

寶護院 在慈林寺村

寺領三十石

東行院 在久下

寺領三十石

長久寺 在大田村

真言

寺領三十石

龍淵寺 在成田

同

寺領百石

吉祥院 在仙多谷

同

寺領五十石

金剛寺 在高畠村

同

寺領三十石

大興寺 在大田村

同

寺領五十石

大正寺 在大相模

同

寺領六十石

靈岩院 在大相模

同

寺領三十石

觀喜寺 在飯沼

同

寺領五十石

金輪寺 在飯沼

同

寺領二百石

眞言宗關東支配寺

日輪寺 在淺草

時宗

○坂東三十三所巡禮觀音 當國有之分

九番 英光寺 十番 比金岩屋

十一 吉見岩屋

十二 慈恩寺 十三 淺草寺 十四 弘明寺

霞關

今在櫻田之内此邊有自練龍

小山田關

箱池

小崎池

掘兼井

讓井

新井

極樂井

迎水

眞土山

在豐島郡玉川里俗云牛込  
其井不用幹縹汲而不涸雖水旱時無增減清冷以為  
在桶町最冷水酒造家爭汲  
在西新井村增司寺俗傳謂弘法加持涌出  
在小石川傳通院當寺開基了譽始堀之冷水  
在千駄野源賴朝繫乘馬於此松云  
或為待乳山千壽衛道也山上在聖天宮

妙龜山 在淺茅原 龜泉寺前

相傳梅若丸死於角田川岸 母尋來營小庵 修念佛終 投身於池 死其池 曰鏡池 里人立塚名妙龜山

解田川 一銘三韮川 武藏下總之界川上 稱刀根川

玉川 俗云太 出於池上之北 落於六江 夫口渡

二俣川 畠山重忠戰死之地

重忠源家先鋒之將也 治養役以其父重能在京 故初 屬平氏 攻三浦氏 殺大助 義明既而於長井渡 始謁賴 朝屬麾下 源公大喜 為先驅 入鎌倉 後當伐義仲 日重 忠渡宇治川 進戰有功 一谷之戰 亦有勇功 賴朝征秦 衡時亦為先鋒 進攻阿津賀志山城 擊敵將赤綱 破之 重忠天性寬大 有功而不伐 有智不爭 人僉服其德 元 久年中 朝雅被誅 於此處力戰 數回 幸中 藜甲重隆之

矢而死矣 元久十二年 北條何為不嚴事實 誅殺忠直

臣乎 蓋重忠有忠功 智勇不常 北條挾北難 故鉏其 善類也 殺和田義盛 亦可并按矣

著聞集曰 重忠勇而有強力 時有東八州無友 大力士 長居嘗望畠山 與此力 賴朝令之相撲 畠山勝而長居 之肩背碎 終成癡身 皆人恐怖焉

崎玉津 萬葉 此の地はもと 武藏下總之界川上 稱刀根川

入間里 同川 此の地はもと 武藏下總之界川上 稱刀根川

都筑原 同岡 此の地はもと 武藏下總之界川上 稱刀根川

武藏野 此の地はもと 武藏下總之界川上 稱刀根川

從江戸到日光山行程 九三十四里

江戸 二千里 二角里 八町 草加 自此下 總國 越谷 二里 三

幽谷 半里 杉戸 七町 幸手 三町 栗坂 東大 町 西川 界



中田 復下里自此 古河 野木 仁町 佐田 下野 野田 小田  
 里 新田 日里 友行 鹿沼 文挾 三町 板橋 十八町 今  
 生川 二連木 十一里 町 日光山  
 市 一里 鉢石 八町

到奥州羽州道筋 出下野之小山 新田道如右  
 新田 下野 半自 莖 新田 自 戶 九 十 金井 半 里 石橋 一里 半  
 雀宮 二里 宇都宮 地 民 屋 眠 白澤 有 川 渡 宇治 江 四 里 喜  
 連川 與 市 有 那 須 佐 久 山 半 里 大 田 原 十 三 町 鍋 掛 有 那 須  
 野原 蘆 生 三 里 奧 州 白 坂 詩 干 出 至 白 川

從江戸到信州追分  
 江戸 二里 板橋 二里 葎 一里 浦和 十哩 大宮 二里 上尾 一  
 桶川 半里 鴻巣 四里 半 行田 六哩 川俣 半里

熊谷 二里 深谷 半里 本庄 二里 藤野 一里 玉村 一里 倉賀  
 野 二哩 十 高崎 二里 板端 一里 安中 二里 松井田 里 坂本

有節吹時上州信輕井澤 信州 沓掛 一里 追分

自追分出小諸行善光寺及越後陸奥北道是也  
 自追分出小田井及諏訪行美濃近江木曾路是也

從江戸至相州東海道

江戸 二里 品川 二里 川崎 三里 金川 左有海右有熊野權  
 程ヶ谷 程ヶ谷 町 東 坂 下 右有武列相列塚 戶塚 相列 此

當國土產

甜瓜 瓜 頭有殺如葵紋 草薺 形肥大而色黃 葱白 紫菜  
 規川 口 小魚 俗出於海 蛤 貝香 長辛螺 淡菜 喰貝  
 大榮螺 牡蠣 鯉 白魚 荒和布 苔 品川 海鼠 金  
 素麩 久我 木綿島 岩葉 鬢 石灰 八王子

# 相模

一宮寒川大明神

八郡 高十九万四千二百石

東海道

足柄上

足柄下

海綾

太任府

愛甲

高座

鎌倉

三浦

△小田原

坤至江戶二十里 西至京師百二十里 玉繩至江野

## 當國

神社佛閣名所

詳于鎌倉志

### 鶴岡八幡宮

在鎌倉

一名雲井峯

社領八百四十貫

東神功皇后

母神也

神主大伴圖書

上宮三座

應神天皇

別當

西妃大神

社僧

十二坊

東久禮

宇禮

二神共仁德帝之妹神

下宮四座

仁德天皇

西是亦妹神也

額曰若宮權現

伊豫守源賴義奉勅征伐與州安倍負任時康平六年

八月潛勸請石清水神於由比卿 永保元年二月子

息陸與守源義家修復之

治承四年源賴朝公勸請于小林卿下宮若宮是也又

建久二年於其上地別造宮謂之上宮初所祭由比卿之宮為同地

寛文八年至上下宮及末社皆再興

每八月十五日放生會同十六日流瀨馬

二月十一月上卯日陪從

辨才天 在社前池中運慶作反橋五間幅三間名赤橋

二王門 額曰鶴岡山親王筆樓門 額曰八幡宮寺

石階 向北上行日上地本社 下日下地若宮

武内宿禰社 在本社西傍玉垣内

座不冷壇所 在廻廊東方龜山帝弘安八年三月十日以來晝夜祈禱不怠

白旗明神 在本社西方賴家卿創造

祭神 源賴朝木像左住吉 右聖天 每月廿一日祭之 額曰

之與有

稍荷大明神 在本社西愛深堂西名丸山處  
初在今本社之地建久年中賴朝本社造營時所造

鸛龜石 影向石 共在本社前左方

玉丞明神 在若宮柳樹之東應神天皇之臣高良大臣也

四社 輪 住熟田 在高良之東

天照大神 在石階之下右

松童 天神 元大武 東三郎 松童應神帝牧牛也元大武同車牛也

輪藏 實朝卿建曆元年十月以一切經五千餘卷納

藥師堂 稱神宮寺 在若宮東方

塔 五間 四首 在若宮前安五智如來

柳菅明神 在本社西坂下 賴經卿初造云

祭神 源實朝公 石鳥居 一鳥居四間半二鳥居六間四三鳥居鳥居大

大鳥居 高三丈一尺五寸兩柱間相去六間半石

長八間其外鳥居二處以上五

回御影 神寶多中第一秘物古今無見之者箱入以

十二院 僧每一月交代守之傳云賴義伐負任時來

干此預此尊影為護身而得勝利後義家東征時亦

然焉又賴朝在伊豆時夢異人來假此尊賴朝治國

家薨後二位尼同信仰之至時賴代復納當社

相承院正觀音 當寺即十二院之內也治承四年八

月廿四日杉山敗亡時賴朝髻中取出此小像藏于

巖窟土肥實平問其所以賴朝曰我三歲時乳母抱

請清水寺祈祭盛既而有靈夢得長二寸觀音銀佛

以來為守護佛云 同年十二月廿五日慧光坊第

子搜山中窟求來于鎌倉賴朝答拜受之今納於木

雅戀伊勢齋宮 詠歌且祈于此尊焉有其驗矣齋宮

通男家

露顯，亂明之齋宮，曰不知我如夢，是偈行也。群臣議齋宮，掌漆墨，令押彼門令人視之，其路中門皆悉有手形，蓋是聖夫所為也。被棄于鎌倉，國將來聖夫也。

新宮

在鶴岡新方山麓

祭神 後鳥羽院左順德院人

後鳥羽帝崩御，後鎌倉中喧嘩多，就中五月廿二日有大騷動，此尊靈所怨乎，因祭之。

寒川社

在高座郡一宮村

社領百石

祭神 同八幡

別當真言 安樂寺

貞觀十一年神階從四位上

二宮

在二宮村

社領五十石

三宮

在三宮村

社領十石

四宮

在四宮村

社領十石

五社八幡宮在品川村

社領十三石

六所明神 在鴻野

社領五十石 借購院

八幡宮

在笹村

社領

同

在

社領二十石

荏柄天神 在鎌倉大藏村東

社領十九貫二百文

祭神 菅丞相束帶木像

別當真言 一乘院

記錄不傳，未詳其初。東鑑曰：正治三年九月，日荏柄社祭云云。神寶數多

御靈社

在鎌倉

社，左右有松，覆二楹

祭神 權五郎景政靈

神主 景政，小坂氏

奧州後三年記云：寬治五年源義家征伐武衛家衡時，鎌倉權五郎景政者，歲十六，被射右眼，未拔其矢而放，答

矢射敵，殺之，還陣所三浦平太即拔眼矢云。今俗患

眼病人初當社有効。又見于奧州鳥海山之下。

瀬戸明神

在街道之北

社領百石

祭神 鳥居額曰正一位大山積神宮。裏延慶四年辛亥四月廿六日

寂尹門，左右有看督長像。安阿弥作神主千葉氏

三島明神，勸請于此。詳于新編鎌倉志

辨才天社 在瀨戶明神海島

平政子之室勸請江州竹生島神但不載東鑑

相馬祠 在鎌倉綱引地藏山西麓

祭神 相馬次郎師常靈

東鑑元久二年十一月十五日相馬次郎師常率十六

端坐合掌決定往生念佛行者也為結緣緇素集拜云後

祭神 天王未知何以有此號乎

巽荒神 在壽福寺巽故名社領一貫文

稻荷社 在佐介谷 每二月初午日群集

其繩明神 在佐佐目谷之西俗繩日

祭神 天照大神 神主小池氏

江島社 在江島或作櫻莊

祭神 倉稻龜神素蓋鳥尊女別當 巖本院上之坊

神系圖云宇賀魂神相州榎島祭之

素蓋鳥尊娶大山祇之女大市姬生大年神倉稻龜神

緣起畧云景行天皇時此處有龍暴惡熾令于人武烈天皇時龍

其龍鬼託于圓大臣為暴惡令于人武烈天皇時龍

鬼又託于金村大臣憊焉同時有五頭龍出入津村溪

喰人兒時有長者十六人而飲明帝十三年四月

十二日至二十三日大地震海上忽生一島江乃島島

上天女降臨遂與龍為夫婦

開基役行者次越泰澄次道智次弘法後文覺再興

號金龜山與願寺陸至島入口至龍穴十四町許

東鑑云建保四年正月十五日江島明神有託宣大海

忽變成道路誠希有神變也三浦左衛門尉義村

北條時政詣當社宿願當三七日之夜神告時政前生

及來事成大蛇入海中去墮三鱗自此以三鱗形為北

條家紋事詳干太平記

下宮 本尊辨才天法如意輪觀音 下坊司之妻

建永元年源實朝建立 慈悲上人良開基

有碑石 高五尺許厚四寸相傳慈悲上人入宋見慶

仁禪師傳此碑石歸朝上坊司之清僧

上宮 本尊辨才天慈覺 文德天皇仁壽三年慈覺大師創造之有鳥居

本社 在鳥居之外 巖本院司帶妻

龍穴 是江島神窟辨才天所居也 一名蓬萊洞

相傳弘仁五年弘法大師刻天照春日八幡等諸神安於窟中其窟口海水湛湛甚危獲松明匍匐入內有二路

無熱池 在下宮之道坂上象天竺無熱池旱亦不涸

福石 在無熱池傍於此石前如拾錢或貝類則以為幸福又傍有蝦蟆石形相似

△按辨才天者即佛經所謂宇賀神主也本朝宇賀靈神名義相似而般若與樂之功亦不異於是役小角越大

德弘法慈覺之輩幸附會遂以辨才天稱之且摸其像安宮殿故本神名識者希矣辨才天詳干和州葛木天川之下

杜戸明神 在森戸村出崎或作守殿 社領七石

祭神 未詳社家云治承四年九月八日賴朝卿勸請三島明神故今以此日為祭禮鎌倉志云賴朝治承四年十月六日當國著御未入鎌倉之前勸請之事如何云

手子明神 在釜利谷村

祭神 未詳 此處三方山東瀬戸橋入海

德崇權現 在鎌倉寶戒寺內

祭神 北條高時之靈 高時之屋敷建寺號寶戒寺多所殺之平家亡魂且

以高時號德崇權現源尊氏奏後醍醐帝 白旗明神 在藤澤 祭神 源義經之靈

如蒙三才圖會

判官義經戰死於奥州頸到于當處賴朝實檢以後祀靈於此辨慶之首所埋塚亦有之

○義經小字號牛若平治之亂父義朝與平清盛戰敗死一族多伏誅焉義經未脫襁褓母常盤有殊色清盛取為妾以故得免稍長受學於鞍馬東光坊衆勸薙深不敢聽常懷復讐之志遇異人于僧正谷每夜習兵法擊劍之術盡傳秘蘊其輕捷如飛十六歲潛出鞍馬山到奥州秀衡館告其志秀衡善遇焉治承四歲聞兄賴朝勃興來謁乃賴朝大喜命為將以軍上京進濟宇治川而義仲敗亡既而攻平氏時平氏擁十萬兵據一谷要害義經自後山冒險擊其不意平氏不拒戰大敗北斬首二千餘級宗盛奉安德幼帝逃奔海西又退讚州保八島矣義經賜追討使宣旨於渡邊福島將解纜時暴風起折木揚沙軍卒皆懼義經大怒彼辨慶等勇士叱柁工急以戰艦五艘凌驚波須臾著阿波既而服親家

拔義遠城焚掠高松猝襲八島平軍逃去不血刃而入實基一炬行宮焦土其後志度壇浦處處會戰皆捷四國九州悉降宗盛父子就擒一族臣僕盡滅矣義經振威而皈賴朝因梶原之讜不許入鎌倉空歸京聽東兵大到要院宜赴鎮西攝川大物浦俄黑雲起迅風興濤舟飄蕩殆危幸免匿吉野山變貌經北陸再赴奥州秀衡館其間草居露宿備嘗艱難矣文治年中終為泰衡被弒年二十七吁義經武威桓桓所向得破竹之勢二年間掃清天下妖氣殄滅乃父大讐可謂蓋世之功臣忠孝之良將也然恃勇功持身不遜使奸佞弄唇吻兄弟構難終為東奧鬼矣千載之下到炊婦輿僮惡梶原之讜切齒憤目無不欲洗義經之寃

文治五年閏四月卅日於奥州高楯城自害泰衡攻之埋頸於藤澤云一說義經遁去於蝦夷島所自害頸不實云

足柄明神 在足柄

相列駿列之社 蛤坂之時有

大和本紀云昔有僧人其妻臨命終時授一鏡云若有追慕之情則視此鏡焉仍如教者相其亡妻影猶生也也竟以其鏡祭為神以相其模之義呼當國稱相模

矢倉權現 在矢倉澤

一里東有關本即關所二里東有町屋其中間有川此乃佐川之水蛤坂夫倉權現也此邊掘地則有石蛤碎類有地藏堂自此至足柄

守山大明神 在佐賀岡

社領三石

俗號世計明神每年十一月十五日釀酒翌年正月十五日供明神試其酒善惡計歲豐凶昔此神出現于海上其座右在神前良辨僧正勸請

龍口明神 在龍口寺之東山上

欽明帝二十三年天女降于此湖水龍潛見其美容感定天女不悅曰我則救群生汝則斷生命何為好迷也龍

曰自今以後任教命不為物毒而乘哀憐因天女許諾龍向南為山龍口山是也餘見江島

巨福山建長寺

後深草院建長五年平時賴

瑞鹿山圓覺寺

後宇多院弘安五年平時

龜谷山壽福寺

土御門院正治二年源賴

金峯山淨智寺

龜山帝文永年中平時

稻荷山淨妙寺

後嵯峨院正嘉元年然

巨福山建長寺

寺領九十五貫九百文

本尊 丈六地藏菩薩 同千體佛

○開山大覺禪師諱道隆蘭溪宋國西蜀人也姓冉氏十三薙髮後受無准禪師法意淳祐六年乘商舶來朝寓洛泉涌寺之來迎院後嵯峨帝又赴相州平時賴延居常樂寺而時賴營建長寺深草帝請隆為開山居十三年



遷洛建仁寺上白召入宮中經三年返建長寺有流言  
 者謫于甲州三年而又還弘安元年七月二十四日寂  
 闇維得五色舍利其煙觸樹葉累然皆綴舍利歷數十  
 日後亦搜索林木多得舍利賜謚大覺禪師是本朝禪  
 師號之始也

寢室之後有池其側有松其條直一日斜偃向室衆俗  
 怪之隆曰偉服之人居松上與我語我問住何處對曰  
 山之左鶴岡也語已不見耳諸徒曰鶴岡者八幡大神  
 之祠前也恐神來此耳自此名之靈松

柄島辨才天女十五童子中從者童子尋常來從為使  
 令此童子女體故僧俗疑之大生誹謗時賴聞之謫于  
 甲州深山已經三歲偽真相顯再請建長寺一日時賴  
 來訪禪師命使令童女教現本形忽童女入寺前池中  
 化為大蛇時賴暨群士驚怖云只冀使回本女身禪師  
 云汝又現女身來蛇即出池中為女身於茲貴賤謗口


忽止

禪師所持鏡汲後留影似觀音像時賴聞之令工磨治  
 其鏡初幽隱經一磨鮮明大悲之相皆幽備平師悔謝  
 作禮後寧一山為記釋書畧文

鏡面



鏡背



新編鎌倉志云圓鑑壹面厨子入有西來菴高三寸五  
 分橫三寸鏡面觀音半身像手持團扇少如俯頭戴天  
 冠垂瓔珞無連珠絲眼不入睛鏡後水中有三日月影  
 其高半分許上有梅枝是等鑄形也鏡形如鼎而有環  
 寧一山及諸師記文多有之悉見載本無梵琦德雋等  
 甚詳讚

△按書木石深入而不滅畫瓠或鮑其文堆起也畫像  
面得酒氣生醉色也人以為奇異然皆有所為之藥往  
徃載千書矣

古今醫統曰畫寫鏡法雌黃一錢粉霜硝砂各一右細  
碎以膠水調任意於鏡上描畫人物花草故事候乾火  
燒片時以磨鏡藥磨去其畫自見

○濟田何某者有科將所斬罪而太刀折不刃再亦不能  
監吏訝濟田曰我平生信地藏今亦秘于髻中想夫菩  
薩助力焉因見之有小像背刀疵訥之平即乃歎息  
赦其科後收心平寺地藏肚中又建長寺草創時取收  
當寺地藏頭中即為佛殿本尊蓋其木佛立像長一十  
二分臺座共二寸一分

右建長寺塔頭凡四十八院今纔有十八院

瑞鹿山圓覺寺

額後光嚴帝震筆寺領百四十貫文

本尊 寶冠釋迦 梵天 帝釋 塔頭二十一院今則亡

相模守平時宗建立 弘安 開山宋佛光禪師

佛光禪師名祖元字子元 姓許氏宋國慶元府人母陳

氏 寶慶二年春 生時白光照室至試周取佛書不食葷

膾 二月十八日 薙髮趨徑山寺拜佛鑑禪師迨十七誓不

出雲堂一夜四更聞首座寮板忽啓蒙後在温州時太

元兵戈壓温州境衆皆逃竄祖元獨坐堂裏寇將加刃

於頸而不動述一偈群虜感悔作禮而去翌年復四明

於是日本平時宗聘名僧明州牧以祖元充 弘安 遐招 二年

船著太宰府八月到相州入建長寺 弘安 圓覺寺成就

以祖元為開山其日群鹿臨筵為吉徵即號瑞鹿山 綱

八月時宗來謁祖元書莫煩惱三字呈之平氏曰此何事

乎答曰春夏之間博多擾騷而一風纔起萬艦掃蕩願

公不為慮也 和尙 知果蒙古兵百萬寇鎮西風浪俄

和尙知果蒙古兵百萬寇鎮西風浪俄

來一時破沒秋九月告徒曰吾有一事辨在季秋果九月三日書遺書置筆而逝年六十一謚佛光禪師

白鷺池 在圓覺寺總門左右池

開山來朝時入幡大神化白鷺為鎌倉卿導止于此池因建寺於此

○佛牙舍利 在正續院元圓覺寺舍利殿號祥勝院

將軍源實朝建曆元年六月夢到大宋國入一寺問寺及長老名僧答曰此京師能仁寺長老南山宣律師也又問宣律師入滅年久何今現在曰未知耶聖者難測生死無隔應現隨處律師今現再誕日本國實朝大將軍是也又長老老邊侍者今現再誕日本國鎌倉雪下僧良真僧都是也實朝夢覺生奇異想召良真僧都僧都又有夢早晨詣幕府會使干塗即隨使者參謁悉說夢中事公曰與我夢合也又壽福寺開山千光和尚有夢三夢事不差公自悟南山之後身深希拜彼靈跡仍廢

世務思之因懷渡宋之志便命工造船船成欲泛海然

是船不動以為不祥而止矣便遣十二人使節於宋國

良真僧都為首大友豐後守 葛山願成三浦修理亮 菊池勝間用兵 村上南條 次郎齋 海野金銀貨財 小太郎

載材木器用遂達宋能仁寺相通夢中事金銀施寺僧

材木修殿宇眾僧不堪并躍使者曰願佛牙舍利借與

一年持還本國將軍歡喜何物過此寺主云帝王有勅

封難出外國使者曰潛持深藏不使人知將軍瞻禮之

後速返謝眾僧諾授使者寺僧數人伴使者來朝道經

京師皇帝啟聞召留之半年余使者空歸關東言事始

末實朝數度奉使者而不愜大怒云不如我上洛遂瞻

望於是藤九郎盛長年乘八旬聞之杖叅謁泣諫實

朝止之躬自請使節實朝許之供奉者二千余騎遂入

洛直詣內裏奏實朝之愁許帝猶不聽盛長大怒高聲

叫云走上宸殿必致自殺官僚相噪皆各奏聞帝不悅

作勅封出舍利盛長又奏老翁聞良真願成等語舍利  
尊容一見而後回賜勅封為幸又有旨曰然者疑勅封  
耶曰勅封雖可恐使節之義尋常如此不賜一官許昇  
殿而封舍利授之盛長歡喜頸繫舍利即日赴關東先  
以使者言實朝大喜徒步跣足待待小田原館盛長已  
到獻之載小輿實朝躬自昇之遠歸鎌倉安勝長壽院  
特建大慈寺遷之五年十月會天下迎亂飢饉疫癘旱  
魃洪水禱之皆有靈驗文永兩度蒙古侵本朝祈禱塔  
前有瑞光指西南方其亂即息平負時於圓覺寺特創  
舍利殿以遷于此今云萬年山正續院是也舍利記全  
文出下錄  
倉志今拾要旨不  
抱文詞畧記之

龜谷山壽福寺

在龜谷源氏畧寺領八貫五百文

本尊 釋迦陳和卿作文殊普賢

正治二年源賴朝公尼御臺所以龜谷地寄附葉上坊

律師榮西榮西後號于光國師本朝為禪宗鼻祖傳見  
于洛

○舍利三粒風松實朝所持舍利附屬榮西

○二位尼牌 號如實如觀後賴朝之二代將軍母儀平時  
嘉祿元年七月十一日薨年六十九

金峯山淨智寺 在明月院之向 寺領六貫百文

本尊 釋迦 彌勒 阿彌陀  
平師時建立師時號淨智寺法名開山宋佛源禪師諱  
正念大休文永六年來朝初宋兀菴禪師開基歸國時  
附法弟子真應禪師壯年故讓佛源  
塔頭十院今則皆廢亡

稱荷山淨妙寺

在大倉 寺領四貫三百文

本尊 阿彌陀

開山退耕和尚 行勇四條殿之息鶴岡八幡宮供大職而讓職于有俊入壽福寺築西室後稱彼寺長老為第二世又為當寺開山蓋尊氏之父讚岐守負氏號淨妙寺殿負山道觀元弘元年為當寺大檀那初號極樂寺修復以後改號淨妙寺

五峯山理智光寺

在圓覺寺近處

太平記為理智光院

本尊 阿彌陀

腹中藏名佛故稱阿彌陀

開山願行益憲靜宗師嘗鑄大山不動其踏鞴場有之

○大塔官牌

兵部滯親王

建武二年七月廿三日

土牢獄 在二階堂村山麓二段石窟也建武元年五月三日足利直義下官於鎌倉入土牢翌年直義被淵邊伊賀守義博執之投首于藪中後當寺長老拾取營葬禮事云云

錦屏山端泉寺

在理智光寺良

寺領三十八貫文

本尊 釋迦

關東十刹之內

附圓覺寺之內

源基氏建立

基氏號瑞泉寺貞治六年四月廿六日卒

開山夢窓國師

徧界一覽亭

在坐禪窟上山其登坂十八曲諸名僧詩文多

杉本寺

在街道之北

寺領五石六斗

本尊 十一面

慈覺右同佛

行基

九同佛慧心前同佛

運慶 釋迦

天竺毘沙門

宅間

開山行基

天台

敷山末寺中比為妻帶山伏近年請僧住持 坂東順禮第一番

功臣山建忠報國寺

在杉本寺南面

寺領十三貫文

本尊 釋迦

文殊普賢阿難

迎葉迎葉者宅間之作世稱宅間之迎葉名佛

開山佛乘禪師

建武二年八月寂

伊豫守家時建立源尊氏家時號報國寺殿義恩

五大堂

在公方屋鋪東

號明王院或名大行寺真言宗仁和寺末寺

和漢三才圖會

卷之三

寺領

寺領

將軍源賴經於二階堂內五大堂建立寬喜三年十一月十八日五大尊像成嘉禎元年二月十日堂建立成  
寬咏祥今唯有不動一像  
鹽管地藏 在道傍辻堂內光觸寺持分  
相傳六浦鹽賣男每出鑱倉以其初穗供此石像

光觸寺

在右近處

號藤觸山藤沢未寺

不尊

阿彌陀

蓮慶

觀音

勢至

蓮慶

開山一遍上人傳見下京都有大佛師名蓮慶順德帝  
年應鑱倉將軍之召下向鑱倉住人村主氏女名町局  
年正謁蓮慶令作三尊木像尺長三請四十八日可成就  
諾如言成焉女歡喜安持佛堂香花供養不怠家有一  
法師名萬歲專修念佛信心深然性常好盜隣家失物  
數回人皆以為渠穢所為主大怒云我今他行村遊谷  
擲萬歲當拷問仍燒轡木突火印左頰既而無痕恠復  
押火印亦不傷其夜主妻本尊立枕頭悲歎焉覺見本

尊有火印痕涕泣懺悔且赦萬歲之罪招龜谷之佛師  
雖修復之痕如故因主薙髮號法阿彌陀佛比企谷建  
一字號岩藏寺安本尊世稱鐵建長三年九月廿六日  
往生年七萬歲於大磯結菴倍念佛堅固遂往生有緣  
起二卷聖相藤原為相跋云文和第四曆暮秋下旬  
大僧都靖嚴源別院厨子者

寶龜山長壽寺

關東諸山之第一也

本尊

釋迦

文殊

源基氏為父尊氏

建立尊氏

延文

開山古先和尚謚廣智禪師諱印元姓藤氏薩州人也  
始六歲不好遊戲辭親遙抵相州圓覺寺桃溪悟禪師  
室建長寺蘭溪薙髮侍左右既六年矣嘉元三年師歲  
桃溪示寂文保二年入宋登天台山見無見都禪師  
咨以心法尋見天目山中峯國師一見愜素志又歷參  
諸大尊宿一歲有餘於是填靜寺清拙禪將應日本

相公之招赴日本延元四年師夢窓國師所偈同歸朝歲四十三請住甲州慧林寺貞和三遷京師真如堂又董等持寺五十一歲住京師萬壽寺又遷相州淨智寺又藤氏創興別普應寺為開山六十一歲源基氏建長壽寺為開山凡丹州願勝寺信州盛興寺武州正法寺津州寶壽寺皆以師為開山應安七年正月廿四日寂于長壽寺年八十

福源山禪興寺

在淨智寺之向

關東十刹第一也

本尊 釋迦

昔七堂伽藍今唯佛殿耳

明月院持父

時賴建立時賴建長八年十月於最明寺落飾法名覺房道宗成師宋道當寺開山亦道隆也而以無及德

詮為第一祖

入道正五位下行相時賴年三十七

弘長三年卒於最明寺北亭其臨終著袈裟衣上繩

床坐禪無動搖氣遺頌

六國見

在佛殿之後高山當圓覺寺之上

安房上總

相模伊豆

明月院

在禪興寺之東

寺領三十一貫文

本尊 觀音

腹中有數千小佛謂

建長寺領之內

上杉安房守憲方建立憲方號明月院天樹道合應承

元承

逝北四月去六十歲開山密室守嚴和尚大覺禪師

之法孫也

昔禪興寺塔頭也今為禪興寺方丈

九條袈裟

以蓮絲織成

云黃龍傳千光千光傳大

臨天覺傳無及存于今

最勝園寺

在錄倉

乾元元年平負時建之將軍家過之

有北小路玄慧法印者初儒家而中歸台宗為僧平負

時知其識量故使玄惠為當寺建立導師住之玄惠素

以僧律不為專故辭之復還俗然無髮而終身以博識

聞于世其所作太平記庭訓往來等今猶便于童兒自

號洗心子又稱健軒

松岡東惠寺

在圓覺寺之南向

寺領百二十貫文

和漢三才圖會

相模

卷之二十七

十四

本尊

釋迦

普賢

金銅像

比丘尼寺

開山 潮音院覺山志道和尚

北條平時宗室秋田時宗

四月廿七日卒去明辛落飾創當寺每十月九月開山忌

第五世後醍醐天皇姬君彼此皆第二十世秀賴息女

號天秀泰和尚元年和依東照大神君命蓬添時年

龜鏡山大長寺

在岩瀬村

淨土

寺領五十石

開山增正寺觀智國師

栗船山常樂寺

在栗船村

本尊 阿彌陀三尊 平泰時建立泰時號常樂寺法

御阿仁治三年初天台宗後隆蘭溪來朝入院為禪宗

以蘭溪為開山

木曾義高塚

在山上初在常樂寺坤方田中

清水冠者義高木曾義仲源賴朝之婿也義仲江州戰

死後潛遁出鎌倉於武州入間河原為追手堀藤次親

家即等藤内光澄所討元曆元年四月二十六日

東光山英勝寺

在壽福寺北隣

寺領四百二十石

本尊 阿彌陀運慶作

此地太田道灌宅舊跡

寬永十三年太田氏英勝院禪尼建寺為念佛道場以

源賴房卿水門息女尼公為開山住持號玉峯清因

泉谷山淨光明寺

在泉谷

寺領四貫八百文

本尊阿彌陀三尊

四宗兼學泉涌寺下

建長三年平長時建立

長時法名專阿開山真聖國師

不動明王座像

淨藏貴所安置佛京洛八坂塔願時

所祈直本尊也文覺上人負下鎌倉後安于當寺

八幡並弘法畫像各壹幅八幡影弘法筆弘法影神筆

埃囊抄所謂於東大寺大門相互寫其影像者是也而

神筆有納冷房後或有南都或有八幡有鳥羽寶藏建

久八年文覺上人高雄修造時經奏返納之又文覺下

鎌倉時持來納當寺云菩薩影乃僧形座赤蓮華掛

衲袈裟載日輪持錫杖

口讀三州圖會 相川 卷之六十二 十五



△按攝州住吉亦有明神與弘法影相傳云互御影蓋大師於彼此有此事乎

○慈恩院 在本堂之西

本尊 地藏 名矢拾 地藏源直義守本尊

直義戰場矢盡小僧一人走來拾矢與之直義怪見所持本尊錫杖外有一矢今亦錫杖用箭云云

△按田村丸戰場地藏為小僧拾矢 規山城清 相似者亦有之

○綱引地藏 在阿彌陀堂後山上窟中

相傳由比濱漁父罹綱引上石像也其背有窪潮汐從候增減云云背有文字供養導師性仙長老 正和元年十一月日

施主真覺

○藤原為相石塔 在綱引地藏後山頂

為家遺跡爭論與母阿佛下于鎌倉訟之中二人共遂終于鎌倉阿佛尼石塔有英勝寺境內

巖谷山海藏寺 在巖谷

本尊 藥師 俗林啼藥師 寺領 丁銀二百文

開山源翁禪師 初曹洞宗後為大覺 當寺昔為別山天

正年中屬建長寺塔頭矣相傳昔此山土中每夜兒啼

源翁恠見其地有小墓放金光則脫袈裟散之啼聲止

焉掘之有藥師木像一頭而無體手足別作一軀收於

其腹內 源翁傳出干

汾陽山興禪寺 在壽福寺南

本尊 釋迦 阿難迦葉 開山 奧州松島雲居 諱 希膺

朝倉院後守息甚十郎為父建立

行時山光則寺 在行于大佛道之左 法華妙本寺下

昔日蓮於龍口既及斬罪時弟子日朗日心檀那四條

金吾父子於安國寺召捕預宿屋右衛門光則而被入

土牢日蓮存不思議奇瑞免害因光則信伏結菴於宅

地以日朗為開基行時山 光時之名 光則寺 我名是也

和漢三才圖會 卷之六十七 相州 卷之六十七

古田兵部少輔重恒之後室大梅院再興今名大

日蓮日朗未像光則四條金吾父子四人像有

日朗土牢獄 在寺之北山上

大異山淨泉寺

大佛 在深野建長寺持分 橫五間半但膝之通徑自

大佛坐像 長三丈五尺 袖口至指端二尺七寸

賴經將軍時曆仁元年二月廿三日淨光上人國江人勸

尊卑作長八丈阿彌陀建精舍寬元元年六月供養導師

卿僧正良信此佛滅亡焉

建長四年八月十七日鑄金銅釋迦如來像今大佛是

也應安二年九月三日大風大佛殿顛倒明應四年洪水大佛堂

破壞今則有礎石耳

海光山長谷寺

光明寺未寺 寺領二貫文

本尊 十一面觀音長二丈六尺二分坂東順禮四番

每年六月十七日會日群集和州長谷寺觀音木之末

作之替文會替羊勲河內國春日村人兄弟共佛工

靈山極樂寺

寺領九貫五百文

本尊 釋迦

與正菩薩模嵯峨釋迦 十大弟子作者不知

陸奥守平重時建立未成弘長元年十月其子長時業時

戮力修營昔有四十九院開山忍性菩薩

○良觀上人諱忍性父伴負行母榎氏和州磯城島人也

建保五年七月十一日投信貴山十六歲母儀逝去即薙髮

十七登東大寺戒壇就敬尊興正受律學二十一至二十七日

斷食三箇度四歲捨身財悉施貧乏圖佛像遁世以後

住西大寺僧衣洗濯與書於學徒建常施院扶病客修

悲申院濟乞巧不堪行步疥癩人自負送迎六歲造丈

六文殊今般若寺下關東弘律儀八十授具戒作和上

弘長元年請于鎌倉住釋迦堂九十授灌頂為關梨十五

歲移住極樂寺講三太部則七友弘安二年椎尾山頂

建寶塔弘安四年御教書下異國祈七夜不斷四王咒

百座仁王經三千餘艘悉退散又此間請雨止雨二十

餘度無不驗永仁元年異國降伏院宣下四月上洛到  
 八幡尊勝神咒七晝夜又勅補東大寺大勸進八十歲為  
 天王寺大勸進建石鳥居二丈五尺八十歲真言院草創  
 供養嘉元元年七月十二日逝壽八十七後醍醐天皇  
 皇嘉曆二年五月五日賜諡菩薩號勅書寫見  
 忍性一生中作善之大畧

建伽藍八十三 立塔婆二十基 堂供養百五十四

圖畫地藏與人千三百五十五像 渡一切經十四藏

戎本摺寫與人三千三百六十卷 且橋百八十九

馬衣並帷與非人凡二万三千領 作道七十一箇所

水田百八十町用寄進于聖跡 掘井水三十三所

谷室病屋非人小屋等立五箇所

其療病所二十年間痊者四方六千八百人死者一万  
 四百五十人平時宗以土佐

龍護山蒲福寺 在腰越村真言

本尊 藥師 行基作 不動弘法作 開山行基

元曆二年五月十四日源延尉義經如思平朝敵訖刺  
 相具前內府平宗參上其賞兼不疑慮日來依有不義  
 之聞不見入鎌倉中徒在腰越驛經日愁鬱之餘附因  
 幡前司廣元奉一通欵狀於賴朝見東鑑辨慶書之其  
 硯水所汲池今名硯池有寺前辨慶腰懸石有池端  
 辨慶腰懸松 在極樂寺門內北方義經自腰越被  
 押還時辨慶晚見鎗倉之處云

金龍山寶戒寺 在小町北天台 寺領九貫六百文

本尊 地藏梵天 相模入道崇鑑平高時之舊宅

源尊氏經奏後醍醐為高時遷葛西谷東勝寺建當寺

改葬北條一族骸骨

○開山法勝寺 五代國師諱 慧鎮慈威和尚號圓觀僧正

後伏見帝後醍醐後醍醐帝嚴帝以上五代為天子戒師故稱五代國

師有顯密宗秀才智行兼備名譽延文元年三月朔尊氏二男幼多病也為五代國師弟子名慈源和尚後號普川國師為當寺第二世

關東執權

時政

義時

泰時

時氏

經時

鎮守

時賴

時宗

貞時

高時

東鑑除

德崇權現

即祭北條高時之靈

○

泰時時政之孫義時之子也和田義盛侵幕府泰時率諸將力戰拒之漸得破之承久之變泰時督師入京官軍敗潰遂使其子時氏入官遷上皇于遠島誠是未曾有之舉也然泰時內務政事外施恩惠北條氏威武之及累葉也泰時之力不為不多嘗定五十箇條式自標提淡海公之律令仁治三年六月十五日逝去  
○時賴泰時之孫時氏子也任相模守續執權職政務廉直人懷之且依佛法逢隆蘭溪極與肯年三十而於

最明寺薙髮法名覺了房道崇而後潛出鎌倉修行六十余州凡三年自為試奉行頭人好惡也尋史難波尼公鬱訴辟邪賞正之功甚多矣弘長二年十一月二十一日逝去年三十七  
時賴巡行天下事不載東鑑然佐野源左衛門鉢木普有人口

叡昌山妙隆寺

在鎌倉小町

中山末寺法華

開山日英上人

第二世名日親上人

異名曰鍋被上人首曼也

行池在寺之後

日親上人臨此池浸手每一日一爪至十日他離十指之爪擗血於池用之書曼茶羅且誓曰若百日間爪如故不生者以為所願不成就也果十指爪生如元謂之爪切曼茶羅在當寺然依法理異論住持退院盜去云

大巧寺

在妙隆寺近處法華

寺領七貫二百文

當寺初真言宗號大行寺而日蓮在妙本寺時成法華以日澄上人為開山即妙本寺院家也  
產女寶塔在堂內一間四面二重塔

相傳當寺第五世日棟上人每夜詣妙本寺祖師堂或夜自夷堂橋傍產女幽靈出乞日棟之廻向日棟為之廻向焉產女投觀金一包謝之日棟用所造立塔也  
曼荼羅 三幅共日蓮筆祈禱曼荼羅皆為珍寶

妙嚴山本覺寺 在大巧寺南隣 寺領十二貫二百文  
本尊 釋迦普賢 東國法華宗 小本寺也

開山日出上人永享年中草創  
長興山妙本寺 在比企谷法華 寺領一貫五百文

本尊 立像釋迦 陳和卿作 鬼子母神 四菩薩  
當寺兼帶池上本門寺 塔頭十六坊 院家有二院

日蓮說法最初之寺俗弟子有比企大學三郎建立之日蓮在世讓日朗故以日朗為開山正月二十一日  
大學三郎者比企判官能員之末子能員之末子能員之末子能員之末子  
伯父伯耆法師在洛東寺迎大學三郎隱置後奉仕于

順德帝為佐渡遷幸供奉然能員以賴經將軍御臺所之外祇大學三郎所免因於比企谷建寺法名曰日學又號妙本故為寺號

曼荼羅 三幅共日蓮筆蛇形曼荼羅 歸命曼荼羅 祈禱曼荼羅皆為珍寶

寂光山龍口寺 在腰越村 法華  
文永八年九月十二日日蓮遭難本堂內有首座石

日蓮土牢 在堂之西山麓窟  
上人遷化後弟子六老僧戮力建寺住持入箇寺輪番  
妙典寺比企谷本成寺 未身延山本立寺 比企谷法源寺  
中山本蓮寺 未本國寺 觀行寺 未玉澤東漸寺 中山淨立寺  
未寺 右謂之固瀨八箇寺皆龍口寺近邊也

袈裟掛松 在音無瀧之少南  
日蓮於龍口臨刑難時掛袈裟松一株枝葉繁茂

行合川 自鶴岡一鳥居有三十九町  
日蓮於龍口以有奇瑞告仔細於鎌倉又時賴赦免使

其兩使會于此因名行合川

其後以今名改之也川男より改めり可也

石井山長勝寺

在松葉谷

法華

寺領四貫三百文

舊日蓮之菴室後日朗日印日靜相續也日靜源尊氏之叔父

移寺於洛號本國寺以長勝寺讓弟子日叡改號妙法

寺後移于辻町中比日隆墓舊地建寺名長勝寺故以

日隆為中興

妙法山安國寺

在名越村之東法華妙本寺之下

門內右有岩窟日蓮自房州小湊來居此窟著安國論

一卷正嘉元年始勘文應元年畢

六浦山上行寺

在六浦村

法華中山之末寺

開山日祐上人千葉宗胤孫胤貞子杉田妙法者初真

言宗後歸依日祐建立當寺

妙法石塔

文應十二年六月

妙傳寺

在惠知

法華宗

日蓮上人在住時明星降臨於此有梅樹稱星降梅云

又有丈六釋迦像

妙頂寺

在金田村

法華

當時又有星降梅樹本間六郎右衛門石塔用其樹為

數珠木標有黑點如星

△按日月星辰麗于天數方衆星各有宿度晝夜運行無

間斷故星降星墮等之說甚妄誕也詳見天且星大可

數十里者縮形能掛於木枝耶疑是鴉鵲蜘蛛火之類

乎或龍火耶浮圖動則謂星降臨之瑞蓋燐火龍火出

現亦不危所以感其德也矣

經王山法華寺

在玉澤

法華

寺領

開基 日昭上人六老僧中元亨三年

六月廿三日

金谷山大妙寺

在三浦

同

寺領

開基 日印上人九老僧中

和漢三才圖會

白花山普門寺 在妙本寺之巽

本尊

千手觀音

坂東順禮第三番

安養院未寺

永福寺

在鎌倉

建久九年賴朝卿建立寬喜三年十月二十五日燒亡  
上総五郎兵衛忠光平氏之臣也平族滅亡於是忠光  
盟心以為逮其主之凶莫報仇之志非勇士潛入鎌倉  
狙賴朝時賴朝修造永福寺之新堂親出監臨之至是  
忠光以魚鱗覆左目為眇者藏匕首懷中為傭人運土  
石欲窺間刺賴朝賴朝恠之使佐貫次郎執之而責問  
忠光以實對焉於是令景時誅之昔豫讓狙趙襄子與  
此不異忠光事出武列泉岳寺重出之

新居山閻王寺

在由比濱

寺領三貫文建長寺

本尊

閻魔王

俱生神

別當山伏寶藏院

或為圓應寺開山知覺禪師

建長寺未寺

鎌倉志云寬文十

三年修此像時腹中有記曰

建長二年出來永佛師下

野法眼如圓建役人

德順判

海藏山大寧寺

在瀨崎村南建長寺下

本尊

藥師

十二神

開山千光國師蒲御曹司源範賴菩提所也

伏見帝朝永仁此有貧女至孝當父母忌日可供養者  
無一物線絲為卷子賣之欲充佛餉而買者希於是童  
子來時買之後見藥師佛前有許多績纏知此彼童子  
藥師之使也

範賴

石塔

並位牌

表大寧寺道悟裏天文九年庚子六月十三日

範賴賴朝在豆州修善寺梶原景時父子三人五百餘  
騎押寄範賴防戰矢種盡自懸火於坊自害景時取其  
燒首鎌倉云

早雲寺

在小田原

禪宗

北條早雲同氏細同氏康同氏政同氏直以上五代  
菩提所 後柏原院永正年中建立

○早雲初名氏茂伊勢人也遊駿河仕今川氏後來于伊豆居于北條因以為姓稍盛大也人多從之者一旦來兵拔相州小田原城其子氏綱嗣

○氏康早雲孫氏綱子也威武強大而振三世之遺烈與上杉憲政連戰數歲天文十四年戰于河越大敗之上杉奔越後自此關左八州入穀中此時也駿府有今川義元甲府有武田信玄越後有上杉謙信攝強敵間無暇軍事或戰或和一張一弛運籌策數回矣列置斥候嚴烽火終得全四境元龜元年卒於小田原城氏康平生憍軍士則效分醪之惠受降將則忘射鉤之讎以故服者日多戰鬪得捷至若愛民薄稅歛境內又寧矣其子氏政為關白秀吉被亡自害氏政子氏直出家入高野山  
尊雲寺 在中郡 洞家 寺領二百石  
開基 末寺有十八箇寺

雲江寺 在猫谷村 齊家 寺領二十四石

開基 末寺二十四箇寺  
最勝寺 在小田原 洞家 輪番住持

開基 隆蘭溪寺中有松名袈裟掛松  
神武山海寶院 在沼間村 曹洞 寺領十八石  
開山之源 平和尚 喜雲 怡和尚 法嗣

總世寺 在久野 禪宗

○荒二郎 姓平氏 字義意 三浦義明之後胤相模國三浦住人陸奥守從四位下義同入道法名道寸之子也上杉修理大夫朝興之幕下而與北条早雲拒戰籠于新井城永正十五年七月十一日城中兵糧盡二千余騎討出力戰遂討死大將道寸自害荒二郎時年二歲其長七尺五寸眼如鈴有八十五人力以一丈二尺揮八角

如囊三寸圍會 卷六十七 二十



棒打殺五百余人ノミツカラ自身搔落首死陣中無不驚怖之者  
敵懸之梟首ヲモシニツラシテ暨三年眼光如睨シラカ早雲恠之供養僧以所  
菩提於是總世寺禪師往梟首傍詠一首和歌  
分付大寺矣云云一經乃乃此寺其後云云  
其首忽塞眼其後彼死地方數丈除犬馬不至云云蜀  
將軍關羽吳伍子胥共是無雙勇士而不幸就死地懸  
于梟首イキホ憤沒後不消矣

海前山岩殿寺 在艾野谷村 禪 寺領五石  
本尊 十一面觀音 坂東順禮第二番  
開基行基並薩其後零落 近頃俾僧再興 海室院下

松岩寺 在吉澤 律宗 寺領三十石  
功雲寺 在同所 同 寺領五十石  
天岳寺 在玉繩 同 寺領三十石

日輪山圓通寺 在引越之西 寺領三十二石  
開山法慧法印 法相宗南都法隆寺下

高來寺 在大磯 天台 寺領百石  
日南藥師 在中郡 寺領四十石  
開基 唐佛十二神又有幢幡及大太鼓為什物錄起有

醫王山神武寺 在神嵩 天台 寺領五石  
本尊 藥師 開山行基  
天狗腰掛松 嵩甚高茂林鬱鬱以為魔所

金澤山稱名寺 在金澤 真言律 寺領百石  
龜山帝勅願所北條越後守平實時本願其子顯時建  
立也開山審海和尚南都大實時建治二年平號稱  
名寺正法名故以為寺號 門之二王運慶作  
青葉楓 在堂前東藤原為相卿詠哥以後今朽焉

和葉三才圖會 卷六十七 二十三

西湖梅在堂黑梅今櫻梅櫻梅在堂前文殊櫻在堂前普賢象櫻以爲葉似花心蛇在堂前混在堂前柏在堂前松在堂前以上謂之金澤八木爲名樹

金澤文庫 平實時性耽書籍營庫藏於金澤納和漢万卷書儒書則墨印佛書宋印押金澤文庫四字上杉再興爲日本第一學校諸國學徒群集爲國島先是上州足利學校小野篁建之

南向山補陀落寺

在材木座東又信歸命院

本尊 藥師十二神 攝寺號則本尊可觀音者觀應開山文覺上人其後鶴岡供僧賴基法印再興元年賴朝木像同體也八幡畫像宋帶著袈裟持念珠寶滿菩薩像之姨社家號見目明神打敷平家調伏阜圍長三尺五寸有書百

靈山寺

在中郡

寺領六十石

石瀧山

在同處

寺境內有岩窟方二十間許惠知與石瀧山間名志田

大山不動明王

在大山

寺社領三百石

號阿部利山大山寺冷鴉羅不動明王制叱迦

八大童子軌云冷鴉羅形如十五歲童著蓮華冠身白肉色二手合掌其二大指與頭指間橫持一股杵天衣袈裟微妙嚴飾制叱迦亦童子色如紅蓮頭結五髻左手執囉日羅右手執金剛棒順惡之者故不著袈裟然以天衣纏其頭肩越中國俱利迦羅不動見于

雨降山石尊大權現

在大山奧登山林堂

有大天狗小天狗社

每年自七月朔日至七日自十四日至十七日群集  
其餘不得參詣

蓑毛山大日寺 在大山近處 真言  
本尊 五智如來 并觀音 行基作

知足山龍華寺 在洲崎村 真言 寺領五石

本尊 大日 仁和寺末寺檀林 又末寺有二十箇院

明山融辨法印明應年中建立文明年中太田道灌復修

天照山光明寺 在補陀落寺南隣 淨土 寺領百石

前武藏守平經時建立於佐介谷號蓮華寺 時寬元元年

法名號蓮華寺殿也開山記主禪師後改號光明寺

記主禪師諱良忠然向石見國三隅莊人父宰相藤原

賴定母伴氏聖光上人之弟子 聖光者源空上人弟子弘安十年

七月六日寂 享年八良忠弟子六人分爲六派京都有三

箇寺 一條禮阿三條關東有三箇寺 前旗寂慧是乃光

道光小憐慈心白旗大澤二流今尚盛四派今斷絕焉十七箇寺檀林

銘越持阿是乃藤田流義之祖當寺爲六派之本寺而

者白旗也 良忠記述化七年後辨才天像 在念佛堂之左

或時江島辨天像暴風吹來寄於寺前海濱里民相議

歸之江島後復來再三因寺僧取闔爲當在此寺故止

六字大名號 長九間廣九尺許 弘法筆 佐野名號

初在房州佐野金胎寺故名 淨土曼陀羅 模寫當麻曼陀羅 惠心筆 同緣起二卷

詞書後京極良經公筆善導大師像 在念佛堂 善導自作其衣書金泥阿彌

畫圖土佐將監光興筆相傳昔此像化成僧得便船著筑前鎮西善導寺開山

聖光一夜夢告曰善導來朝在宮崎可來迎也往見之

果有像其地建一字後迎入于善導寺後附屬于良忠

良忠向靈像曰我當赴關東像亦可有出現於有緣地  
投像於海良忠到鎌倉居佐介谷由比海上光明赫奕  
漁夫恠見之此像也良忠建一宇安之光明寺是也靈  
像漂泊地呼曰善道塚又作銅像善道安之  
此外寺寶數多有省畧

祇園山安養院 在名越之入口 寺領一貫六百文

明山願行上人律宗至十五世昌譽和尚成淨土宗

延命寺 在米町之西 淨土宗 安養院末寺

本尊 地藏 裸立像而有女陰以雙六局為臺座著  
衣開帳見其女陰故稱前出地藏昔平時賴婦人爭勝  
負賭為裸而婦人負一心念地藏地藏變女形代其賄  
人以為奇作其形狀云云

大長寺 在岩瀨 同 寺領五十石

阿彌陀寺 在藤峯 同 常念佛自湯澤五六町與山也

西方寺 在三浦郡三崎野比村 本願寺宗

開基 明光房 關東六老僧之第一

善福寺 在淘綾郡高麗寺村 東本願寺派 號華水院

開基 陵源房 關東六老僧之第二

陵源者河津入道為親鸞弟子 西派

善福寺 在足柄上郡儘下 同二十四輩之五

弘德寺 在千津 傳詳下總下

下總弘德寺之別也 本願寺宗 關東七箇寺之末

永勝寺 在倉田村 聖德太子長四尺 七高祖像

阿彌陀像長四尺 像各祖師自作于今安置焉七高祖像宜如上人時獻

於本寺為褒美賜一番形影像彼弥陀及太子像靈驗

甚奇 當寺初天台宗也嘉祿二年親鸞徧歷當國 國府津七

三年止留時改宗為弟子也于時平時氏令書寫藏經

其校合親鸞亦被選舉焉嘗聖人為炊佛洪堀一小井尺許而得淨水今亦有境內

真樂寺

在足板下郡國府津

東本願寺御坊

親鸞七年逗留之地嘉祿元年建立頃日從中華渡一  
切經於鎌倉其船有大石高七尺二寸廣三尺許平面如鏡親鸞  
見之曰此石乃天竺石也以指書十字八字名號二行  
則其蹟自窪入文字鮮明而後覺如上人巡國時來干  
此加筆右志者為鏡空行光第一向專修念佛舍或時  
有疾人投此石於海中人不知在處然海底有光水練  
者見之則此石也因引上於國府津濱而後當寺境內  
營堂安此石

弘法寺

在千比村

本願寺宗

寺領二十九石

光福寺

在出口

同

寺領十九石

藤澤寺

在藤澤

時宗

寺領百石

號清淨時宗本寺後宇多帝開山遊行一遍上人

後醍醐天皇正中元年遊行上人第四世再興

○一遍上人豫州住人河野七郎通廣次男也家富武門  
雄壯四國九州以名鳴焉有二妾容色美而寵無別  
一目枕基杯二妾相臥其髮鬢忽然化為小蛇咬合見  
之感嫉妬執心深出家登叡岳受戒且逢西山善惠上  
人入本願念佛法門經十一年改名知真坊請熊野行  
住座臥念佛稱名無他通夜本宮證誠殿祈眾生利益  
之因時老僧現曰一切眾生以六字名號聽聞稱名則  
皆為佛種宜教化之乃授七言四句偈曰

六字名號一遍法 十界依正一遍體

万行離念一遍證 人中上上妙好花

夢覺書其偈則上字當六十万人也弟子曰花阿弥陀  
佛隨身西界東與都鄙遠近廻國老少男女普授與之

到相州藤澤造一字道場終於攝州兵庫觀音堂正應二年八月二十三日年五十一  
于今歷代上人讓寺於高第而六十余列修行無怠慢賜數十傳馬廻國

○小栗並即等塚

鎌倉大草子云稱先帝應永三十九年常陸國有小栗孫五郎平滿重者叛鎌倉命源持氏到結城征之先手大將敗北不知行方後潛行三州焉其子小次郎亦奔于關東後竊行相州寓權現堂村亭主及盜賊等相議曰令遊君酒宴將用毒酒殺小栗及從者奪其資財於是遊君中有照姬者頃與小栗相馴風聞之告形勢故二人虛飲而小栗潛出見林中有鹿毛馬此馬亦盜取雖難從來堪御術乘彼馬須臾馳藤澤道場特上人即上人令衆僧送小栗於三州焉即等並照姬醉死者皆被河

中資財悉分散矣照姬本自不死至河下獻上其後永亨年中小栗自三州來尋照姬與數品珍寶謝其深志且誅伐盜賊一族

世傳曰以照姬為照天以盜魁為橫山氏以小栗諱為兼氏者未詳蓋小栗系圖謂孫五郎平滿重其子助重則助重乃小栗小次郎之諱矣

坂東三十三所順禮觀音當國之分

- 一番杉本寺 鎌倉
- 二番岩殿寺 三浦
- 三番田代寺
- 四番長谷寺
- 五番飯泉寺
- 六番飯山寺
- 七番金目寺
- 八番星合寺
- 自此到武藏慈光寺

足柄山 在箱根山北右之街道也八重山亦相並也中古以來越箱根見于前

新子 史子 於此山行後見

竹下道

御嶽山

日南山

鎌倉里

爲塚入口

谷七郷

七入口

龜谷坂

假粧坂

稱鎌倉也

寓由比里

袖浦

七里濱

後漢書

日本

日向里

東山西海而南北地廣谷谷構民屋切通岩石

有七郷

小林郷

長尾郷

矢部郷

朝夷名切通

極樂寺切通

大佛切通

宿願詣常州鹿島而

大藏松岡仍日鎌倉

在鎌倉稻村崎之海濱形似袖故名

在稻村崎腰越之間有七里故名關東道以二六

足柄の山に比喩ひて名を竹の下とす

日向の古名を日向と云ふは日向の山を指す

東山西海而南北地廣谷谷構民屋切通岩石

有七郷

小林郷

長尾郷

矢部郷

朝夷名切通

極樂寺切通

大佛切通

宿願詣常州鹿島而

大藏松岡仍日鎌倉

在鎌倉稻村崎之海濱形似袖故名

在稻村崎腰越之間有七里故名關東道以二六

古戰場也此濱有鉄砂黒色如漆而極細小映日則輝如銀珠物可也○有小貝名花貝似櫻色而美兒女拾取爲作花

小淘絞松

端指出松也

袂浦

諸越原

巖穴

砥上原

石橋山

頼朝屋鋪

在七里濱之西有巖山其嶺在八王子官山

在片瀨川東原也其砂白瞿麥多茂

在龍之池東二穴

俗曰仁田四郎自富士人穴脱出于此者未審

頼朝初合戰之地

在鎌倉方八町許芝原

源賴朝 清和天皇十代左馬頭義朝三男也父義朝與  
 清盛合戰時以所傳源氏產衣鎧及鬚切太刀授之賴  
 朝既軍敗義朝於尾州野間為家人長田忠宗所執賴  
 朝到不破關為稱平共衛宗清被捕流伊豆國蛭小島  
 時年十四也北條時政以女政子娶之後起兵赴相州  
 與大庭景親戰于石橋山軍敗僅逃七騎至房州三浦  
 義明之一門屬于賴朝到上總下總千葉介上總介亦  
 從之到武州畠山重忠降擇住鎌倉東州悉偃奉保元  
 上皇詔遣兵誅義仲尋滅平家一族且身自擊與州泰  
 衡四方畏服勅授從二位官至大納言兼右近衛大將  
 任征夷大將軍即為六十六州摠追補使故武人之為  
 大君始自賴朝正治元年正月十三日薨年五十三  
 二十祭靈於鎌倉號白旗明神義經亦名白旗  
 佐奈田與一義直 平氏三浦義明之弟岡崎四郎義實  
 子也治承四年八月二十三日向石橋山戰場賴朝曰敵大庭侯野

共助勇也誰組之子義實答以己子義直而含義直于  
 命焉與一喜呼侯野於陣中然岡部弥次郎出組之取  
 首見之非侯野也忿進於是侯野來又組互大力不相  
 辨而與一勝欲切首而先所切之血刀未試故粘靴不  
 拔猶豫時長尾新六定景急來捕與一之頸賴朝及軍  
 卒甚惜焉既而敵兵敗北或誅或虜矣新六定景亦有  
 虜中賜之義實定景嘗為與一吊沒後雖歸敵感其悃  
 意請命於賴朝令定景法身

朝比奈三郎義秀 和田義盛三男女義仲妻膽勇拔羣  
 膂力絕倫父義盛相州平族而賴朝勃興于豆州之日  
 屬志於源公平兵而應房州處處相從竭忠故鎌倉凱  
 旋之後軍政皆委于義盛賴朝薨家薨後至寶朝治世  
 北條義時執權和田一族意不悅且恚恨和田胤長事  
 忽謀劫進攻幕府北條泰時朝時足利義氏等護大  
 門於是朝比奈以手批其門關木扞扉破開義秀乃入

源賴朝

卷之六

三

源賴朝



和漢三才圖會 卷之六 雜考 義直義重

庭中攻擊急也五十五風小豐次葛野盛重數輩戰殞命  
義秀衝入燒營中實朝出避火於法華堂諸士卒軍大  
戰義盛遂為江戶左衛門能範討死年七十一族多戰死  
義秀其徒五百人浮海奔房州時年三十八或云渡高  
麗未知是非

東鑑曰正治二年九月二日賴家歷覽鎌倉小坪海邊時朝比奈  
有、水練聞欲試之義秀下船飛入海上往還數十度而  
暫不見諸人恠之處捉生鮫三喉浮上御船前

泉小次郎親衡 信州人也源滿仲後効力勇氣傑出於  
萬人建保元年實朝治世時欲滅北條家使賴家子千  
壽立千世潛謀聞和田之一族亦有憾柳營通和田義  
直義盛義重義重男堀長綱等三字許諾使信州僧安念  
持謀書廻詣州適到千葉介成胤之館成胤捕安念送  
北條義時安念白狀實朝捕和田之三子令禁錮之因  
義盛借功免義直義重二人罪獨平太胤長為坂通之

首故縛之引渡和田一族列居之前流奧州使工藤何  
某探親衡之隱處欲捕之親衡殺工藤而去遂不知所  
在矣世傳親衡肩大船而上下于水陸後世神祠佛堂  
之壁往往畫親衡肩船之圖以故兒童亦誦名知之

鍛冶正宗屋鋪 在今小路勝橋之南町行光正宗行光  
行光負應來鎌倉勤職今亦有小祠稱乃稻荷  
佛師運慶屋鋪 在右屋敷之西運慶東寺其子甚慶  
康運康辨康勝運賀運助皆得名

文覺上人屋敷 在賴朝屋鋪南向文覺在居焉養和二年四月  
六叶參營中日自去五月二七日斷食參籠于江島碎  
肝膽懇祈昨日退出蓋為秀衡調伏文覺傳詳山

大御堂谷 在文覺屋敷東隣昔有賴朝最初建立寺院  
號阿彌陀山勝長壽院稱之大御堂元賴朝欲營先  
考廟港奏之後白河法皇敷感勲功之余於殿門邊令  
探出故左典廩義朝及鎌田二郎兵衛尉冒請之首勅

和漢三才圖會 卷之六 雜考 義直義重 三十五

使江判官公朝被持下及治元年下著三同九月葬大御  
堂地十月二日堂供養導師本覺院僧正公顯本尊阿弥  
陀南都大佛師○又實朝卿飛久元年正為公曉所試  
亦此地也

滑川

有六名

櫻桃川 坐禪川 夷堂川 炭賣川 閻魔川

隨其地異名也

青砥左衛門藤綱

豆州太場十郎近卿之後十一歲而

出家屬真言師二十一歲還俗學儒二十八歲見于相  
模守時賴舉為評定人頭而性廉直諫議人皆仰之常  
納錢於燧袋袋帶之或夜誦錢隨滑川急以五十錢買  
松明探采之人免其小利大損藤綱曰我若不探則十  
錢永失所買松明五十錢有商家而不失

御樣島山

在名越切通之北山昔此山有山王堂

相傳日蓮始來鎌倉居此岩窟時群猿供食物後日蓮  
於山南建一宇法性寺是也今為妙本窟中有日蓮石  
像又岩窟有六是六老僧修居之窟也

六代御前塚

在多古江川之東

六代御前

平惟盛之子

薙髮號三位禪師法名妙覺入高雄

山之奧遁世然所搜出下關東於相州田越川端岡部  
權守泰綱承命斬之

能見堂

在松名寺西北山上昔無堂宇頃年久世

此地無雙風景東南海上富士山上總下總安房諸峯

悉見自有八景昔畫工巨勢金岡欲寫美景而不得惆

然捨筆今堂前有松謂之筆捨松

鳴立澤

在大磯小磯之間古者葬入地而非名所西

行歌以後得名

心が化ゆると云ふはゆりつらきはの歌乃々

箱根關

在小田原上過湯本 煤葉大澤檀木坂白水

坂箱根 箱根驛入口元明天皇和銅七年始開此山道

曾我兄弟舊跡

在大磯小磯之中間山中

兄名十郎祐成弟名五郎時宗又名河津祐泰母氏肥

祐泰死後欲為尼祐親不可遂令適曾我太郎祐信故



人指示其所在，兄弟大悅，急入，祐經沉睡，祐成在枕頭。時宗在側，則祐成蹴其枕，發聲自稱焉。祐經將起，兄弟急斬之手，足異處。呼王藤內叔于側，賊兄弟以為大讎已報，何斬命乎？賴朝又祖父之寇也，幸報之大，喚直迫旅館。五月廿八日，雨甚，關伏小紫垣下，斬出者為兄弟，聞死或被割者凡五十余人，俗謂之既而新田忠常與祐成戰，祐成力疲被擊，時宗見之，益欲切入，於是小舍人童五郎丸，其力甚強，被女衣待廊下，自後組時宗衆人續逐捕之，翌日召時宗，將野宗茂問前夕趣，時宗能言，遂不答，青趣賴朝親問之時，宗對應自若，言色無阿諛，見者驚歎，賴朝感其勇，欲宥罪，然不欲其生，且祐經之子太房丸頻告前，不得止，斬戮之，時宗大儀虎女，驛倡家之女也。容貌開麗，而歌倡亦無儔，與祐成相好，其他壯夫羨慕之，然不從，權貴不欲珍寶，時聞祐成之死，不堪悲當三

七忌日，登箱根山，捧和字，諷誦入，以祐成最期所送駿馬為布施，此日即出家，赴信州善光寺。九年十月

武州出於武州到當國行伊豆東海道吉戶塚二里  
 藤澤有里十 大磯至小磯間有並木松有鴨立澤有化  
 小田原湯澤有溫泉 箱根當石箱根權現出豆州下

相模國土產  
 大根然野自 大根出於鎌倉邊 柴胡出於鎌倉  
 紅花鎌倉 海蝦此蝦身深紅出於伊勢故京師人稱伊勢蝦  
 江豚江島 海雀浦小田原 鱈魚京師人稱伊勢蝦  
 盆山石五色大磯 庭石紫柿色 透頂香外郎小田原

和漢三才圖會 卷六十六

伊豆

三郡 九万九千三百五十三石余

東海道

田方府

那賀 賀茂

△下田在御番所祀有大島其間八里三宅島之大島其間十五里八丈島有六宅島之蛭小島源類朝公之坤其間十五里八丈島有六宅島之蛭小島源類朝公三島州小田原二十四里良方至江戶二十六里半余

從伊豆至駿河東海道

箱根三三三里三三三三島半一里沼津自此駿州也三島與沼津間有千貫極以為兩國界

當國

神社佛閣名所

三島大明神

在賀茂郡三島

社領五百卅石

祭神一座

大山祇命

神主

飯倉式部

別當

愛深院

崇峻天皇庚戌年出現攝津島下郡三島社伊豫越智郡三島神社與當社三所同一神也社前有池

神階 貞觀九年七月從三位治承四年十月

三島大明神の御祭神大山祇命

箱根權現

在箱根山上四里

社領二百石

祭神

彥火火出見尊

別當

福寺 金剛院

駒形權現

白和龍主

左鷄王

客人官

孝謙天皇天祥撰草創開基滿月上人

什物中悉

難掬毛此不知何物也友切丸太刀長二尺五寸曾我十番切

長閑太刀無銘同註清府太刀同刺小刀

當山相州豆州兩國界其山嶺有湖水東西狹南七廣

凡五十町晴天則富士山影寫山奥有地獄塞河原

元明天皇和銅七年始開此山路此山路有關於今天下第一

伊豆權現

在箱根山之南

社領三百石

祭神

瓊瓊杵尊

白鳳九年立

或云祭王辰爾

神主

三寶院

別當

般若院

伊豆御山

豆部嶺

突出於海山中有溫泉名走湯

伊豆三郡圖會

伊豆

卷之六十七

考續日本紀云應神天皇遣使於百濟搜聘有識者國

主貴須王擇採宗族遣其孫辰孫王一名智隨使入朝

天皇喜焉以為皇太子之師於是始傳書籍大闡儒風

文教之興誠在於此辰孫王子太阿即王子亥陽君子

午定若生三十一日味沙二日辰爾三日麻呂從此別為三姓葛井

船津連等敏達天皇世高麗國遣使上鳥羽之表君臣莫之能讀

而辰再進取其表能讀巧寫諱奏表文蓋蒸其羽之飯

氣以帛印羽悉寫其字朝廷為異其才

即此也為朝社 在大島

為朝社

在大島

祭神 鎮西八郎為朝

○源為義八男也長七尺射目楸射力絕人能關劔ツヨクニシラ

十三歲以其剛傲逐之鎮西故云鎮西八郎戰勝攻取

二十餘回大戰拔城數十餘築紫九國皆押領自稱總

追補使時為朝年僅十五因人誣之召歸洛年十八翌

年保元之亂與父同奉崇德上皇之命與兄義朝兵大

戰既而軍敗兄弟多死上皇南狩為朝謫伊豆大島而

押領諸島不輸官租嘉應年中狩野茂光奉勅攻之為

朝一箭一船覆而兵士沒死官兵不敢近為朝慮違勅

之罪而自殺年三十三非力盡而死也壯勇之氣弓矢

之勁日本古來無出其右者

一說云為朝遁出大島至琉球國自為主於彼島亦祭

靈名舜夫太神官詳見干琉球之下

坂田明神 在竹下

祭神 坂田公時之靈

源賴光家臣坂田公時渡邊細碓并負光トウ部李武共

有武勇名世稱四千王然以其靈祭神之仔細未詳

和漢三才圖會 卷六十七  
杉谷山修善寺 在修善寺村 洞家 寺領三十石

高隣法師建立之法大師弟子 中古為禪宗寺前有川名修善寺川川中有溫泉自壘磐為方園

國清寺 在

後光嚴院應安元年建立上杉管領憲顯修之

般若院 在 寺領三百石

最勝寺 在名古屋村 同十七石

藏春院 在田中村 洞家 同十七石

普門院 在新庄村 同家 同十七石

國濟寺 在 濟家 同二十石

願成就院 在北條

北條時政建立

歸一寺 在舟田村 同二十石

妙法華寺 在玉澤法華宗一本寺 自三島社 一里南東 境內凡方

開基日昭上人日蓮弟子六老僧之一 二里許

古古井森

熱海溫泉

蛭之小島 自伊豆權現十八町伊豆權現入湯人衆 賴朝年十四歲軍敗到江州為彌兵衛宗

清被補清盛從池禪尼意宥死流于此南今有自麻松

彌平兵衛尉宗清後號彌平池禪尼臣季宗子也平治之

役義朝父子取北宗清虜賴朝清盛預賴朝於宗清賴

朝僅十三歲以其幼懇憐遇之既而賴朝論于此後平

家出奔賴朝感自恩欲厚報之到鎌倉也宗清辭曰今

也平族皆亡獨就源氏承恩我耻之即日馳于八島而

奉仕宗盛蓋初愛育賴朝者似無智然不應其招者可

謂知義人也

伊東祐清姓藤原祐親之子也初祐親惡賴朝之淫行欲

殺之祐清告于賴朝救危及賴朝當啓蟄之運祐親為

囚而自殺賴朝恩祐清之舊恩欲行賞祐清不受曰父

有罪而死子何承恩乎請以就戮世莫不讚美之嗟呼

祐清救賴朝之急忠耶仁耶父與同死而不食祿者  
孝耶義耶

幸澤山

在自三島二十里余右左

三島海

我急ハ三島ノ伊豆國ニテヤカニワカノリ

大洞穴

在伊東崎

將軍賴家建仁三月狩伊豆駿河時到伊東崎山中有大  
洞穴裏深遠不知其源使和田平太龍長入洞中龍長  
舉火入穴五時程出洞語曰穴中數十里順行暗取火  
漸至于洞奥有大蛇龍長拔劍切之云云  
又駿河富士山麓有洞穴

八丈島

在辰巳方自三宅島六十里

後土御門院長亨元年北條早雲始渡島属于伊豆土  
人織出島絹其絲山繭而甚強

當國土產

酒

修禪寺紙

三島曆

良薑

椎茸

縮砂

打鮑

八丈島細

箱根竹





雜

元